



07543

文獻通考卷第五十五

都陽馬端臨貴



職官考九

諸卿

少卿

夏制九卿記曰夏后氏官百天子有三公殷亦九卿尹

日三公謂陰陽周之九卿即少師少傅少保冢宰司徒

九卿通寒暑宗伯司馬司寇司空二代諸卿雖名號不同然其官職

漢以太常光祿勳衛尉太僕廷尉大鴻臚宗正大司農

少府謂之九寺大卿後漢九卿而分屬三司太常光祿

卿並太尉所部太僕廷尉大鴻臚三卿並司多進為三

徒所部宗正大司農少府三卿並司空所部

文獻通考卷五十五職官

公各有署曹掾史隨事為員九卿有疾使者臨問加賜

錢布尚書令陳忠常欲褒崇大臣故奏建此禮魏九卿與漢同九卿名數與漢同晉

以太常等九卿即漢兼將作大匠太后三卿大長秋皆

為列卿各置丞功曹主簿五官等員太康四年增九卿

禮秩元帝以賀循為太常而散騎常侍如故宋齊及梁

初皆因舊制宋卿尹皆銀章青綬進賢兩梁冠佩水蒼

進賢兩梁冠非舊也梁武帝天監七年以太常卿加置宗正卿以

大司農為司農卿三卿是為春卿加置太府卿以少府

為少府卿加置太僕卿三卿是為夏卿以衛尉為衛尉卿廷尉為廷尉卿將作大匠為大匠卿三卿是為秋卿

以光祿勳爲光祿卿大鴻臚爲鴻臚卿都水使者爲大舟卿三卿是爲冬卿凡十二卿皆置丞及功曹主簿後

魏又以太常光祿勳衛尉謂之三卿太僕廷尉大鴻臚

宗正大司農少府爲六卿各有少卿大和十五年初置少卿官常同大卿

北齊以太常光祿衛尉宗正太僕大理鴻臚司農太府

是爲九寺晉荀勗曰九寺可併於尚書後魏亦有三府九寺則九卿稱寺久矣然通異名不連官號

其官寺連稱自北齊始也置卿少卿丞各一人各有功曹五官主簿

錄事等員隋九寺與北齊同自昔三代以上分置六卿至周明備至秦及漢雖事

不歸古猶制度未繁後漢有三公九卿而尚書之任又

益重矣魏晉以降職制日增後周依周禮置六官而年

代短促人情相習已久不能革其視聽故隋氏復廢六

官多依北齊之制官職重設庶務煩滯加六尚書似周

文獻通考

卷五

職官

之六卿又更別立寺監則戶部與太府分地官司徒職

事禮部與太常分春官宗伯職事刑部與大理分秋官

職事工部與將作分冬官司空職事自餘煬帝降光祿

百司之任多類於斯欲求理要實在簡省煬帝降光祿

以下八寺卿階品於太常而少卿各加置二人始開皇中諸司

署惟典掌受納至煬帝署令爲判首唐九寺與北齊同

取二卿同判丞惟知檢局令闕丞判

卿各一人少卿各二人丞以下有差龍朔二年改九寺

之名凡卿皆加正若太常卿爲奉常正卿他皆如此後各復舊

宋初雖有九卿皆以爲命官之品秩而無職事元豐正

名始有職掌中興併省冗職除太常寺大理寺不罷

外宗正以太常兼而衛尉太僕併兵部太府司農併戶

部光祿鴻臚併禮部紹興復置宗正太府司農餘遂廢

太常卿 少卿 丞 主簿 博士 太祝 奉禮

鼓吹署 太醫署 太卜署 廩犧署 汾祠

署

今太常者亦唐虞伯夷為秩宗兼夔典樂之任也周時

曰宗伯為春官掌邦禮秦改曰奉常漢初曰太常欲令

國家盛太常存故稱太常 顏師古曰太常者王之旌也 畫日月焉王者有大事則建

以行禮官主奉持之故曰奉 惠帝更名奉常景帝六年

常後改為太尊大之義也 儀法皆叔孫通所著論也王莽改太常卿為

秩 更名太常 惠帝時叔孫通為奉常定宗廟儀法及定漢

宗後漢秩與漢同每祭祀前奏其禮儀及行事贊天子

每選試博士奏其能否大射養老大喪皆奏其儀每月

前晦察行陵廟助祭則平冕七旒漢舊常以列侯忠敬

文獻通考 職官 三

孝慎者居之後漢不必侯也舊制陵縣悉屬歲舉孝廉

後漢則否建安中為奉常魏黃初元年改為太常魏晉

皆銀章青綬進賢兩梁冠絳朝服佩水蒼玉宋齊皆有

之舊用列曹尚書好遷選曹尚書領護梁視金紫光祿

大夫陳因之後魏為上卿兼置小卿官 周禮有小宗伯 中大夫二人即

其北齊曰太常寺置卿及少卿丞各一人掌陵廟羣祀

禮樂儀制天文術數衣冠之屬後周建六官置大宗伯

卿一人 掌邦禮以佐 皇帝和邦國 是為春官隋曰太常與北齊同煬

帝加置少卿二人唐因之龍朔二年改太常為奉常 少 丞隨寺名改 光祿以下 咸亨元年復舊光宅元年改太常為司禮

神龍初復舊卿一人掌禮儀祭祀總判寺事少卿二人

通判餘寺少卿職並同太常少卿本一員神龍中加一員領丞一人主簿二人博

士四人太祝二人奉禮郎協律郎各二人齋郎五百五

十二人其餘小吏各有差郊祀太公廟大樂鼓吹太醫太卜廩

儀等署各有令其郊社及太公廟兩京皆有

宋初太常寺皆以禁林之長主判續會要云皆以兩制充而禮院

自有判院同判院祥符中祥瑞繁縟別建禮儀院輔臣

主判而知制誥為知院天禧末罷知院天聖中省禮儀

院而寺與禮院事舊不相兼康定元年置判寺同判寺

並兼禮儀事元豐正名始專其職焉卿掌禮樂郊廟社

文獻通考卷五十五職官四

稷壇墮陵寢之事禮之名有五吉賓軍嘉凶皆掌其制度儀式祭祀有大祠有中祠有小祠

其儀牲幣玉酒薦獻器服名辨其等掌樂律樂舞樂章凡親祠及四孟月朝獻景靈宮郊祀太廟掌贊相禮儀

升降之節及朝會燕享上壽封冊之儀若禮樂有損益及祀典神祇爵號與封襲繼嗣之事常考定者擬上於

禮部凡太醫政令以時頒行元祐詔太常寺置長貳餘寺監長貳並

互置中興併省寺監獨存太常又命太常兼宗正紹興

復隆興元年詔光祿寺併歸太常寺兼領掌社稷及武

成王廟諸壇齋官習樂之事丞一員罷卿舊不除人紹興

二十五年除張扶執政以為言遂改宗正復言之乃除祭酒開禧間忽除陳諱俄亦改祕書監少卿元

祐初除呂純禮御史論門蔭得官不可任奉常於是外

補建炎初并省冗職詔太常少卿一員兼宗正少卿國初

太常少卿博士寺丞俱爲寄祿官少卿後來爲朝議大夫博士丞議郎丞奉議郎

丞秦置一人漢多以博士議郎爲之後漢凡諸丞皆掌

行禮及祭祀小事總署曹事舉廟中非法皆銅印墨綬

進賢兩梁冠職官要錄曰晉宋九卿丞皆進賢一歷代梁冠介績阜衣銅印黃綬齊梁墨綬

皆有韋弘爲太常丞交賢以弘當嗣太常職掌陵廟梁煩劇多過赦弘自免及賢疾篤弘坐屬事繫獄

舊用員外郎遷尙書郎天監七年改視尙書郎陳因之

後魏北齊亦有之隋有二人唐因之分判寺事餘寺丞職並同

宋皇祐中詔特差近上知禮官一員兼丞事建炎三年

省紹興復置

主簿漢有之漢占簿之制太常駕四馬主簿前車八乘魏晉亦有焉梁天監

文獻通考卷五職官

七年十二卿各置主簿一人陳因之北齊有功曹五官

主簿二人歷代諸主簿多說在列職篇唐置二人掌付事句稽省署

鈔目監印給紙筆等事餘寺主簿並同職

宋皇祐中宋祁乞增置一員句檢在寺文書及掌出納

遂除胡瑗後省不置元豐正名初除王子奇建炎三年

省紹興十年復置

容齋洪氏隨筆曰自元豐官制行九寺五監各置

主簿專以掌句考簿書爲職他不得預紹聖初韓

粹彥爲光祿主簿自言今輒預寺事非先帝意也

請如元豐詔書從之如玉牒修書主簿不預見於

王定國雜錄予猶及見紹興中太府寺公狀文移
惟卿丞繫銜後來掌故之吏昧於典章遂一切與
丞等今百官庶府皆戾官制非特此一事也

博士魏官也魏文帝初置晉因之掌引導乘輿王公以

下應追諡者則博士議定之

秦有博士數十人兩漢太常屬官皆有博士掌以五

經教子弟則今國子博士是也說在本篇

端委佩玉朝之大典必於詢度歷

代皆有隋有四人唐因之甚為清選資位與補闕同掌
撰五禮儀注導引乘輿贊相祭祀定誅諡及守祧廟開
閉坎室及祥瑞之事

宋祥符中置博士二員後四員元豐正名初除何洵直

文獻通考

卷五

職官

六

博士掌講定五禮儀式有改革則據經審議凡於法應
諡考其行狀撰定諡文有祠事則監視儀物掌凡贊道
之事中興省丞簿而太常博士如故紹興九年諫議大
夫曾統言祖宗朝太常博士四員今見一員添置一員
隆興元年從王太寶等議併省博士一員

太祝殷官與太宰等官爲六太周官太祝下大夫二人
上士四人掌六祝之辭以祈福祥秦漢有太祝令丞後
漢亦曰太祝令丞晉宋齊梁陳後魏北齊皆因之後周
依周官至隋置太祝署太祝令丞煬帝罷署太祝八人
唐初有七人後增爲九人開元二十三年減置三人掌

讀祝文出納神主

宋太祝奉禮郎掌奏祭祀闕則承奏蔭京官十六以上
未掌事者充郊社掌坐齋郎無員數富韓公之父貧甚客呂文穆門下一
日白公曰某兒子十許歲欲令入書院事廷評太祝李
文靖公為相治第隘甚或以為公言曰居第當傳子孫
此為宰相廳事誠隘為太祝奉禮廳事已
寬矣蓋三官皆宰相子弟初蔭之官也

奉禮郎漢大鴻臚有理禮郎四十七人晉理禮郎四人
屬大行令後魏理禮郎四人北齊有奉禮郎三十人屬
鴻臚寺之司儀署後周有理禮中士下士各一人隋有
奉禮郎十六人屬太常寺煬帝減至六人唐初有理禮
郎四員掌設版位執儀行事至永徽二年以廟諱改為

文獻通考

卷五

職官

七

奉禮郎開元二十三年減二員

奉禮本名理禮國家撰五代史志至永徽七年

乃成於時此官已改故隋書百官志謂北齊及隋時理
禮皆為奉禮奉禮之名雖見於前史其改始自永徽

宋奉禮郎品秩見前掌奉幣帛授初獻官大禮則設親
祠版位大祀掌讀冊授搏黍以報告飲福則進爵酌酒

受其虛爵

協律郎漢曰協律都尉李延年為之

武帝以始延年善新聲故為此官

後漢亦有之魏杜夔亦為之

魏武平刑州初得杜夔知音識舊故為此官晉

改為協律校尉後魏有協律郎又有協律中郎北齊及
隋協律郎皆二人唐因之掌舉麾節樂調和律呂監試

樂人典課

宋協律郎朝宴親郊則遣官攝事崇寧後協律郎隸大晟府又有按協聲律製撰文字運譜等官以京朝官選又或白衣士人通樂律者爲之

兩京郊社署周官有典祀掌以時祭祀秦漢有太祝令丞屬奉常景帝改爲祠祀武帝更曰廟祀後漢祠祀屬少府魏晉有太祝令丞宋曰明堂令丞掌祀五帝之事齊有太祝及明堂二令梁有明堂太社二令竝屬太常北齊太廟令兼領郊祀崇虛二丞郊祀掌五郊羣神崇虛掌五嶽四瀆神後周有司郊上士中士司社中士下士隋太常寺置郊社署令丞各一人唐因之掌郊祀明堂祠祀祈禱及茅

文獻通考

卷五

職官

八

土衣冠等事

宋嘉祐元年置郊社令命石祖元爲之熙寧元年郊社局令張伯世言合有郊社名而不主四郊之事於是始主四郊壇壝之事按唐六典兩京郊社局各一人掌管五郊之事乞自今兼令句當四郊壇壝之事使得巡視提舉所貴官正其名郊兆常潔從之郊社令掌巡視四郊及社稷之壇壝掌凡掃除之事祭社則省牲渡江初闕紹興十九年始除韓彥直爲太社令請給竝依五監主簿例

太樂署周官有大司樂掌成均之法亦謂之樂尹以樂舞教國子左傳楚鐘建爲樂尹卽大司樂也秦漢奉常屬官有太樂令

及丞又少府屬官并有樂府令丞後漢永平三年改太

樂爲大司樂令掌技樂人凡國祭享掌諸奏樂

盧植禮注云大

予令如古大胥漢大樂律準者之子不得舞宗廟之酌除吏二千石到六百石及關內侯到五大夫子取適子高五尺以上年十二到三十顏魏復曰太樂令丞晉亦色和順身體循禮者爲舞人

有之齊銅印墨綬進賢一梁冠絳朝服

齊太樂及諸陵令永明未置用

二品三品勳置主簿戶曹六品保舉

梁陳因之後魏置太樂博士北齊曰

太樂令丞後周有大司樂掌成均之法後改爲樂部有上士中士隋有太樂令丞各一人唐因之掌習音樂樂

人簿籍

宋制太樂局令一人丞一人樂正二人副使正二人掌

車駕郊祀及御殿御樓大祠登歌徽宗時置大晟府以

文獻通考

卷五

職官

九

大司樂爲長典樂爲貳次曰太樂令秩比丞次曰主簿

曰協律郎又有按協聲律製撰文字運譜等官以京朝

官選又或白衣士人通樂律者爲之又以武臣監府門

及太樂法物庫以待從及內省近侍官提舉所典六案

曰太樂曰鼓吹曰宴樂曰法樂曰知雜曰掌法京朝禮

樂掌於奉常崇寧初置局議太樂樂成置府建官以司

之禮樂始分爲二四年詔曰迺者得隱逸之士於草茅

之賤獲英莖之器於受命之邦適時之宜以身爲度鑄

鼎以起律因律以制器親賜樂名曰大晟府舊樂勿用

五年二月因省冗員併之禮官九月復舊大觀四年以

官徒廩給繁厚樂令一員監官二員吏祿並視太常格
宣和二年詔以大晟府近歲添置冗濫徼幸並罷

鼓吹署周禮有鼓人掌六鼓四金之音後漢有承華令
典黃門鼓吹屬少府晉置鼓吹令丞屬太常元帝省太

樂并鼓吹哀帝復省鼓吹而存太樂梁有鼓吹令丞又
有清商署北齊鼓吹令丞及清商署並屬太常隋有鼓

吹清商二令丞至煬帝罷清商署唐鼓吹署令丞各一
人所掌頗與太樂同

宋鼓吹局令一人丞一人崇寧後隸大晟府

詳見太樂署

太醫署周官有醫師上士下士掌醫之政令秦兩漢有

文獻通考

卷五

職官

十

太醫令丞亦主醫藥屬少府

後漢又有醫丞有醫工長

魏因之晉銅

印墨綬進賢一梁冠絳朝服而屬宗正過江省宗正而

屬門下省宋齊隸侍中梁陳因之後魏有太醫博士助

教北齊又曰太醫令丞後周太醫下大夫隋太醫署令

二人唐因之主醫藥凡領醫鍼灸按摩呪禁各有博士

五代時有翰林醫官使

宋制翰林醫官院使副各二人並領院事以尙藥奉御

充或有加諸司使者直院四人尙藥奉御六人醫官醫

學祇候無定員

舊制翰林醫官使四人副使二人直院七人尙藥奉御七人醫官三十人醫學

四十人祇候醫人十二人其員猥多寶元二年始立使副直院尙藥奉御定員醫官醫學無班位以服色爲差

加同正官至尙藥奉御者或加檢校官其直院掌供奉則奉御及同正官皆爲之多自醫官特異而授

醫藥及承詔視療衆疾之事典二人徽宗時置翰林院

句當官一員以內侍省押班都知充總天文書藝圖畫

醫官四局崇寧元年詔醫官有勞轉皇城使實及五年

方許除遙郡刺史又七年除遙郡團練又十年以上方

許除遙郡防禦使醫官有和安成和成安成全大夫舊爲樞

庫使保和大夫舊爲西保安大夫舊爲樞翰林良醫舊

翰林醫舊爲軍器保和郎舊爲西

官使和安成和成安成全郎庫副使翰林醫官翰

錦副舊爲樞保安郎易副使翰林醫正舊爲翰林翰林醫官翰

翰醫效翰林醫痊翰林醫愈翰林醫證翰林醫診翰林

文獻通考卷五十一職官七

醫候翰林醫學舊諸司使副有醫官使及副使蓋自太

醫丞直院轉醫官副使敘遷年格一同武官但爲東班

使額耳謂自法酒庫以政和初既易武階而醫官之名

亦遂易焉凡十有九階立和安大夫視樞易使以上翰

林良醫視醫官使其和安郎以下視東副使若醫官副

使則以醫正易之官制舊典云此名皆大臣所撰無所

乃以雜流爲之可見稽據傳曰登高能賦可以爲大夫今

當時大臣之不學也舊額和安大夫至良醫二十員紹

興二年五員和安郎至醫官元額三十員紹興二年四

員醫效元額七員紹興二員醫痊元額十員今一員醫

愈至祇候大方脈元額百五十員紹興十五員而已

太卜署殷官太卜爲六大周官太卜掌三兆之法秦漢有太卜令後漢并於太史自後無聞後魏有卜博士北齊有太卜局丞後周有太卜大夫小卜上士龜占中士隋曰太卜令丞一人唐因之

宋以太卜隸司天臺然不置專官

廩犧署周禮有牧人掌牧六牲以供祭祀秦漢內史左馮翊廩犧令丞並掌犧牲鴈鶩後屬大司農後漢河南尹屬官有廩犧丞魏晉宋齊梁陳後魏北齊隋皆有之唐令丞各一人掌犧牲粢盛之事

汾祠署齊太公廟署並有令丞各一人唐開元中置

文獻通考

卷五

職官

三

宋廩犧屬光祿寺有牛羊司供應所掌大中小祀牲牲及太官宴享膳饈之用監官三人以諸司使副及三班使臣充監棧圉三人以三班使臣充

光祿卿

少卿 丞 良醞署

主簿 掌醞署

大官署

珍饈署

秦有郎中令

主郎內 諸官 故曰郎中令

掌宮殿掖門戶漢因之

石建 爲郎

中令奏事事已下建省讀驚曰書馬者與尼而五今乃不足一稜遺死矣其謹慎如此

至武帝太

初元年更名光祿勳

應劭曰光明也祿爵也勳功也如淳曰勳之言聞也聞古主門之官

光祿主官門故也張安世爲光祿勳郎有醉小便殿上主事行法安世曰何以知其不覆水也其隱人過失如此

此王莽時乃改

光祿勳爲司中後漢曰光祿勳所掌同典三署郎更直

執戟宿衛考其德行而進退之

漢東京三署郎有德應四科者歲舉茂才二人

四行二人及三署郎罷省光祿勳
猶依舊舉四行衣冠子弟以充之郊祀之事掌三獻光

祿勳居禁中
如宋之殿中御史有獄在殿門外謂之光祿外部

兩漢自光祿大中中散諫議等大夫及謁者僕射羽林

郎郎中侍郎五官武賁左右等中郎將奉車附馬二都

尉軍戶騎三將
如淳曰主車曰車郎主戶衛曰戶郎竝屬光祿勳
後漢張湛字子

孝拜光祿勳光武臨朝或有情容湛輒陳諫其失又杜

林字伯山為光祿勳內供奉宿衛外總三署周密敬慎

選舉稱平郎有好學者輒見誘進朝夕滿堂士以此建

高而慕附又荀爽為光祿勳視事三日冊拜司空

安末復改光祿勳為郎中令魏黃初元年復為光祿勳

東晉哀帝興寧二年省光祿勳併司徒孝武寧康元年

復置自魏晉以後無復三署郎而光祿不復居禁中唯

文獻通考

卷五

職官

三

外官朝會則以名到焉二臺奏劾則符光祿加禁止解

禁止亦如之
禁入殿省光祿主殿門故也其宮殿門戶至宋文猶屬

焉梁除勳字謂之光祿卿卿舊視列曹尚書天監中視

中庶子職與漢同後魏又置少卿北齊曰光祿寺置卿

少卿兼掌諸膳食帳幕隋文帝開皇三年廢光祿寺入

司農十二年復置初有卿及少卿各一人煬帝加置二

少卿
唯取漢代舊名而其職則別唐龍朔二年改光祿寺為司宰寺

咸亨初復舊光宅元年為司膳神龍初復舊卿一人掌

終獻行事少卿二人領太官珍饈良醞掌醢等四署署

各有令丞

丞漢二人多以博士議郎爲之後漢一人魏晉因之銅
印黃綬梁陳視員外郎

其員外說在通直散騎常侍郎中

後魏北齊並

有之隋有三人唐置二人

主簿漢置晉宋齊梁陳並有之北齊曰功曹五官主簿
隋二人唐因之

宋光祿寺判寺事一人以朝官以上充古者其屬有太
官珍饈良醞享醢四局令分隸御廚法酒庫古者祭祀
則省牲饗濯漑三公攝祭爲終獻今並以他官攝本寺
但掌供祠祭酒醴果實醢醢菹薪炭及黠饌進胙之事
卿少卿丞爲寄祿官卿後來爲中奉大夫少卿朝儀大

文獻通考

卷五

職官

高

夫丞宜義郎元豐官制行置卿少卿丞主簿各一人元
祐三年詔長貳互置政和六年監察御史王桓等言祭
祀牲牢之具掌於光祿而寺官未嘗臨視請太祠以長
貳朔祭及中祠以丞簿監視宰割禮畢頒胙有故及小
祠聽以其屬攝從之中興後廢光祿併入禮部

太官署令丞於周官爲膳夫庖人外饗中士下士蓋其
任也秦爲太官令丞屬少府兩漢因之桓帝延熹元年
使太官令得補二千石魏亦屬少府晉屬光祿勳宋齊
屬侍中梁門下省領太官陳因之後魏分太官爲尙食
中尙食知御膳隸門下省而太官掌百官之饌屬光祿

卿北齊因之後周有典庖中士內膳中士隋如北齊唐因之各一人

宋朝隸御廚旬當官五人以朝官并諸司使副內侍都知押班允掌供御之膳饈及內外囊餼割烹煎和素膳之事元祐初罷太官令二年復置崇寧二年置尚食局太官令惟掌祠事

珍饈署令丞周官籩人掌四籩之實蓋其任也後漢少府屬官有甘丞主膳具晉太官令有錫官果官吏各二人自後無聞北齊肴藏令屬光祿寺後周有肴藏中士下士隋如北齊唐因之長安中改爲珍饈神龍初復舊文獻通考

卷五

職官

五

開元初又改之有令丞各一人

宋珍饈署隸御廚有供備庫

太平興國二年改爲內物料庫

有使及副

使掌供尚食及內外膳饈米麩飴蜜棗豆百品之料監官二人以三班及內侍充監門一人以三班充外物料庫掌給皇城外諸宮院油鹽米麩之品監官二人以三班內侍充

良醞署令丞於周官有酒正中士下士掌酒之政令後漢湯官丞主酒屬小府晉有酒丞一人齊食官局有酒吏梁曰酒庫丞北齊有清漳令丞主酒後周如古周之制隋曰良醞署令丞各一人唐因之

宋良醞署屬御廚有內酒坊使掌造法稴酒常料之三
等酒以供邦國之用監官三人監門二人以三班內侍
充都麴院掌造麴以給內酒坊之用及出鬻而收其直
監官二人以京朝官及諸司使副內侍充法酒庫掌造
供御及祠祭周太祖平河中得酒工王思善造法麴因立法酒庫置之凡祭祀供五
齊三酒以實罇壘監官二人以朝臣及三班使臣內侍
充

掌醞署令丞於周官有醞人掌四豆之實自後無聞至
齊諸公府有釀食典軍二人後周有掌醞中士下士隋
曰掌醞署令丞各一人唐因之

文獻通考

卷五

職官

六

宋屬御廚有油醋庫監官一人以京朝官充掌造油醢
載以供邦國膳饈內外之用

衛尉卿

丞主簿

武庫令丞

武器令丞

守

衛尉秦官掌門衛屯兵漢因之

漢舊儀曰衛尉寺在宮內胡廣云主宮闕之內

衛寺於周垣下廝區廬者若今之仗宿屋

景帝初更名中大夫令後元年復

為衛尉又有長樂建章甘泉衛尉皆掌其宮其職略同
而不常置顏師古曰各隨所掌之宮以為官名後漢有衛尉卿一人職與

漢同晉銀章青綬五時朝服武官佩水蒼玉掌冶鑄領

冶金

凡領五千三百五十冶在江北而江南唯

有梅根及冶塘二冶皆屬揚州不屬衛尉晉江左

不置衛尉宋孝武復置南齊掌宮城管鑰

後漢張衡西京賦曰衛尉

入屯以警夜巡南齊宮城諸卻敵樓上本施鼓持梁衛
夜者以應更唱高帝以鼓多警眠遂改以鐵磬

尉卿位視侍中職與漢同卿每月丞每旬行宮徼糾察
不法陳因之後魏亦有之北齊爲衛尉寺有卿及少卿
各一人隋文帝開元三年廢衛尉寺入太常及尙書省
十三年復置掌軍器儀仗帳幕之事而以監門衛掌宮
門屯兵唐因之龍朔二年改衛尉爲司衛咸亨初復舊
光宅元年又改爲衛尉神龍初復舊卿一人少卿二人
初少卿一人太極元年加一人領武庫武器守宮三署署各有令丞秦
漢多以博士議郎爲之後漢一人魏晉竝同宋孝武增
置一人梁亦有之後魏北齊竝有隋因之唐置二人

文獻通考

卷五

職官

七

主簿一人漢衛尉駕四馬主簿前車以乘晉有衛尉主
簿二人宋齊梁陳因之北齊隋亦有二人唐因之

宋衛尉寺判寺事一人以郎官以上充凡武庫武器竝
歸內庫及軍器庫以他官及內侍典領守宮歸儀鸞司
本寺無所掌卿少卿丞皆爲寄祿官卿後來爲中奉大
夫少卿奉直大夫寺丞宣義郎元豐官制行置卿少卿
丞主簿各一人卿當儀衛兵械甲冑之政令少卿爲之
貳丞參領之凡內外作坊輸納兵器則辨其名數驗其
良窳以歸於武庫不如式者罰之時其暴涼而封籍其
數若進御及頒給則按籍而出之每季委官檢視歲終

上計帳於兵部掌凡幄帟之事大禮設帷宮張大次小次陳鹵簿儀仗長貳晝夜巡徼察其不如儀者押仗官則前期稟差凡仗衛供羽儀節鉞金鼓檠戟朝會亦如之宴享賓客供幕帟茵席視其敵者移少府軍器監修焉分案四置吏十元祐三年詔長貳互置所隸官司十有三內弓箭庫南外庫軍器衣甲庫軍器弓槍之庫軍器弩劍箭庫掌藏兵仗器械甲冑以備軍國之用儀鸞司掌供幕帟供帳之事軍器什物庫宣德樓什物庫掌收貯什物給用則按籍而頒之左右金吾衛司六軍儀仗司掌清道徼巡排列奉引儀仗以肅禁衛凡儀物以

文獻通考

卷五

職官

六

時修飾選募人兵而校其遷補之事

政和五年詔金吾衛仗司依格差武

冀大夫以上

中興後廢衛尉并入工部

武庫令丞於周官司甲司弓矢等下大夫司戈盾等中士下士蓋其任也兩漢曰武庫令屬執金吾後漢又有考工令丞屬太僕主造兵器成付武庫令魏晉因之晉後屬衛尉宋齊武庫令丞屬尚書庫部梁陳屬衛尉卿北齊亦有後周如周官隋如北齊唐因之各一人天寶六載四月敕改儀制令廟社門宮門每門各二十戟東宮每門各十八戟一品門十六戟嗣王郡王若上柱國帶職事二品散官光祿大夫以上鎮國大將軍以上各

同職事品及京兆河南太原府大都督大都護門十四
戟上柱國帶職事三品上護軍帶職事二品若中都督
上都護門十二戟國公及上護軍帶職事三品若下都
督諸州門各十戟竝官給貞元五年十二月中書門下
奏應請列戟官準儀制令正一品開府儀同三司嗣王
郡王并勳官上柱國柱國等帶職事三品以上竝許列
戟準天寶六載四月敕文加散官光祿大夫鎮國大將
軍以上各同職事品近日散試官便帶高階者衆恐須
商量者伏請準舊制令本文取帶三品以上正員職事
爲定敕旨依

文獻通考

卷之五

職官

五

武器署令丞隋行臺尙書省有武器監令唐永徽中始
置各一人掌祭祀及朝會巡幸及公卿婚葬鹵簿之事
宋武庫武器竝歸內庫及軍器庫以他官及內侍典領
軍器凡四庫旬當官竝二人衣甲弓槍弩劍三庫悉以
諸司使副及內侍充什物庫以三班使臣充掌禁兵器
鎧甲供軍什器儲待之物辨其出納

守宮署漢有守宮令丞掌御紙筆墨及諸財用并封泥
之事屬少府晉及北齊屬光祿勳北齊守宮令掌張設
之事梁陳屬大匠卿隋屬衛尉寺唐置令一人掌諸鋪

設帳幕氈褥牀薦几席之事

廣德二年二月敕文京兆府諸司諸使幕士丁匠總

八萬四千五百人數內宜月支二千九百四十四人仍
令河東關內諸州府據戶口分配不得偏出京兆府餘
八萬一千一百
一十四人並停

宋守宮署歸儀鸞司儀鸞司句當官四人以諸司使副

及內侍充掌奉乘輿親祠郊廟朝會巡幸宴享及內庭

供帳之事凡三庫一曰金銀器皿帘幕什物二曰香燭

三曰氈油牀椅鐵器雜物監門二人以三班使臣充

公車司馬令秦屬衛尉漢因之掌殿司馬門夜徼宮中

天下上章四方貢獻及闕下凡所徵召公車者皆總領

之漢張釋之為公車令時景帝與太子梁王共車入朝

不下司馬門釋之遂劾其不敬文帝免冠謝太后太

后詔赦之然後漢有丞一人丞選曉諱掌知非法尉主

後得入宮也文獻通考 卷三十一 職官 丞

闕門兵禁戒非常胡廣曰諸門部各陳屯夾道其傍設

兵以示威武交節戟以遮誤出入也

晉江左以來直曰公車令宋以後屬侍中隋有公車署

置令丞唐無

左右都候周禮司寤氏有夜士干 後漢各一人主劍戟

士徼循宮及天子有所收考宮中諸有詔奏罪左都候

執戟戴車纏送付詔獄在

宮大小各付所屬見尚書令僕 屬衛尉後無

射尚書皆執版拜見郎對揖

宗正卿 少卿 太廟令 丞 主簿 崇元署 諸陵署

周官小宗伯掌三族之別以辨其親疏秦置宗正掌親
屬漢因之更以敘九族平帝元始四年更名宗正五年
又於郡國置宗師以糾皇室親族世氏致教訓焉選有

德義者爲之有寃失職者宗師得因郵亭上書宗伯請

以聞爲書付郵亭常以正月賜宗伯帛十匹王莽併宗

伯於秩宗後漢曰宗正卿一人掌序錄王國嫡庶之次

及諸皇室親屬遠近郡國茂因計上皇族名籍若有犯

法當髡以上先上諸宗正宗正以聞乃報決胡廣曰宗正又歲一

理諸王世譜差敘兩漢皆以皇族爲之不以他族楚元

秋第髡曰昆切鄧吝劉辟疆劉德等送爲此官又後漢書曰劉

軫字君文梁孝王之允爲宗正卒官遂世掌焉魏亦然

晉兼以庶姓山公啟事曰羊祜忠篤寬厚然不咸寧三

年又置宗師以扶風王亮爲之使皇室戚屬奉德義

所有施行必令誥之梁王彤亦爲宗師東晉省之屬太常桓溫奏省

文獻通考卷五職官三

宋齊不置宗正梁天監七年復置之視列曹尚書主皇

室外戚之籍以皇族爲之陳因之後魏有宗正卿少卿

北齊亦然後周有宗師中大夫掌皇族定世系辨昭穆訓以孝悌屬大

冢宰隋如北齊之制唐龍朔二年改爲司宗成亨元年

復舊光宅元年改爲司屬神龍初復舊卿一人少卿二

人初少卿一人太極掌皇族外戚簿籍及邑司名帳領

崇元署及諸陵太廟開元二十五年制宗正等寺官屬

皆以皇族爲之

宋宗正寺判寺事二人以宗姓兩制以上充闕則以宗

姓朝官以上知丞事掌奉宗廟諸陵薦享之事司皇族

之籍大宗正司知司事二人以皇親團練觀察使以上

充掌教睦皇族教導宗子受其陳請辯訟之事及糾過

失而達之朝廷

景祐三年始置司以皇兄寧江軍節度使濮王知大宗正事皇姪彰化軍節度

觀察曹後守節同知大宗正事

修玉牒官無定員掌修皇帝玉牒序宗

派紀族屬歲撰宗子名以進

舊隸宗正寺景祐中言者以玉牒與國史相通後以

史官兼

又有睦親廣親宅都大管勾三人以內侍充元豐

六年詔宗正寺長貳不專用國姓蓋自有大宗正司以

統皇族也中興後卿一人不常置少卿一人以太常兼

三年復置少卿一員嘉定九年詔以宗學改隸宗正寺

自此寺官又預考校之事大宗正司知及同知官各一

文獻通考

卷五

職官

五

人丞二人官屬有記室一人熙寧三年始以異姓朝臣

二員知丞事置局於睦親廣親宅是歲省管勾睦親廣

親及提舉郡縣主等宅官以其事歸宗正崇寧三年置

南外宗正司在南京西外宗正司在西京各置敦宗院

中興後以位高屬尊者爲判大宗正事如舊制以宗室

團練以上有德望者充又置知大宗正丞一員以文人

充掌糾合宗室而檢防之訓飭之凡南班宗室磨勘遷

轉襲封請給核其當否嫁娶房廬分析財產酌厚薄多

寡而訂其議凡宗室除合該賜名外皆大宗正定名而

後報宗正寺其餘遷授官資支給錢米考核以詔予奪

其不率教者以法拘之歲久知悔則除其過名分按六署吏十有二又有南外宗正司西外宗正司以處宗室之在外者各仍舊制設厚宗院皆設知宗仍以所在通判職官兼丞簿其糾合檢防訓飭如大宗正司西南外兩司闕知宗閒令大宗正司選擇保明而後授之又各置教授以課其行藝初建炎南幸先徙宗室於江淮於是大宗正司移江寧南外移鎮江西外移揚州其後屢徙後西外止於福南外止於泉又有紹興府宗正司蓋初隨其所寓而分管轄之乾道七年嘗欲移紹興府宗正司於蜀不果後歸併行在嘉定閒用臣僚言乞凡除授知宗須擇老成更練之人詔知宗宗丞照百司例每日入局所以示增重宗盟之意

文獻通考

卷五

職官

三

玉牒所淳化六年始設局置官倣唐制也詔以皇宋玉牒爲名建玉牒殿宇新寺九年以知制誥劉筠夏竦爲修玉牒官自後置一員或二員

朱勝非秀水閑居錄本朝國書嚴奉寶藏未有

如玉牒者用金花紅羅標黃金軸至神宗朝以軸大難於披閱詔爲黃金梵夾又以黃金爲匣鎖鑰皆金也進呈畢安奉於宗正寺玉牒殿士大夫罕有知其制度者予頃在朝廷趙元鼎正丞謝汲自本寺事論及玉牒問宰執諸公制度趙元鼎曰不過刻如玉冊耳予曰國家宗室之蕃自古無之每朝爲一牒宗室官稱名行女與其夫皆錄之以玉刊不其難乎又中興系年錄注每朝爲一牒乃載人主系序及歷年行事如帝紀而差詳其後附以皇后事迹親王宗室子女則有宗蕃慶系錄仙源類譜仙源積慶圖三書詳焉非同爲一牒也玉牒則

奉安於玉牒殿類譜則安景祐元年宗正寺修玉牒官

於屬籍堂勝非亦少誤李淑申請詔以編修院廳西閣子充修纂玉牒之所

李淑言前修玉牒官馮允亦是兼編修會要蓋緣國史玉牒事節須要照會所以只就編修院修纂熙寧三

年玉牒於三班院置局後徙編修院皇帝玉牒十年一

進修玉牒官竝以學士典領自元豐行官制分隸宗正

寺官六年詔宗正寺修玉牒照用日歷所文字竝指定

所書事令本所節錄元符二年宗正寺丞陳覺民乞將

先帝玉牒內聖政令本寺修玉牒官鈔寫封送國史院

從之紹興十二年襲舊制始建以宰臣一人提舉修玉

牒官一人以侍從兼凡宗正卿少而下悉與修纂二十

文獻通考

卷五

職官

三

九年詔玉牒所併入宗正寺更不置修玉牒官檢討官

以本寺少卿及丞同領編修事詔玉牒所宰臣提舉依

舊修書官一員同宗正卿丞修纂更不置檢討官紹興

三十二年詔尚書左僕射陳康伯提舉編修玉牒後或

以參知政事簽書樞密院事兼權提舉乾道元年錢端禮以參政兼權

蔣芾以籤樞兼權見玉牒所題名記故事玉牒以首相領之自後相府有

關則以首參兼領仍帶權字淳熙十五年王丞相准去

位周益公以右揆兼領時敕令所纔罷而首參仲至無

兼局益公乃奏乞以仲至權提舉玉牒宰相在位而執

政權領寶訓玉歷自此始也

丞漢亦用皇族後漢一人

劉茂字子衡為宗正丞

歷代皆有之隋

有二人唐因之

宋初為寄祿官後改為奉議郎元豐正官名詔宗正寺

除長貳外自今後更不專差國姓以楊畏趙君錫為之建炎三年

罷紹興五年復置

主簿梁置陳北齊隋皆有唐因之置一人

宋天禧時以衛尉丞兼元豐正名初除楊完建炎三年

罷紹興十年復置

崇元署令一人初後魏天興二年置仙人博士掌煮鍊

百藥北齊置昭元等寺掌諸佛教有大統一人都維那

文獻通考

卷五

職官

五

三人兼置功曹主簿等員以管諸州縣沙門之法後周

置司寂上士中士掌法門之政又置司元中士下士掌

道門之政隋初置崇元署令丞至煬帝改郡縣佛寺為

道場置道場監一人改觀為元壇監一人唐復置崇元

署初又每寺觀各置監一人屬鴻臚貞觀中省開元中

以崇元署隸宗正寺掌觀及道士女冠簿籍齋醮之事

令一人正八品下丞一人正九品下

有府二人史三人典事六人掌固二

人崇元學博士一人學生百人隋以署隸鴻臚又有道

場元壇唐置諸寺觀監隸鴻臚寺每寺觀有監一人貞觀中廢寺觀監上元二年置漆園監尋廢開元二十五年置崇元學於元元皇帝廟天寶元年兩京置博士助教各一員學生百人每祠享以學生代齋即二載改崇元學曰崇賢館博士曰學士助教曰直學士置太學士

二人以宰相爲之領兩京元元宮及道院改天下崇元學爲通道學博士曰道德博士未幾而罷竇應永泰間學生有者無幾大歷三年復增至百人以僧尼道士女冠皆隸鴻臚寺武后延載元年以僧尼隸祠部開元二十四年道士女冠隸宗正寺天寶二載以道士隸司封貞元四年崇元館罷太學士後復置左右街大功德使東都功德使總僧尼之籍及功役元和二年以道士女官隸左右街功德使會昌二年以僧尼隸主客太清宮置元元館亦有學士至六年廢而僧尼復隸兩街功德使

宋自眞宗興崇道教置玉清昭應宮景靈宮會靈觀使以宰相爲之副使判官都監及集禧觀醴泉觀東西太一宮提舉則以兩省兩制丞郎及防禦諸司使副爲之掌奉齋醮之事又有譯經潤文使亦以宰相爲之熙寧以後增置祠祿之官以尊老優賢而時相欲以宮觀之

文獻通考

卷五十一

職官

五

祿處不奉行新法之人遂無限員亦無職事而釋老之事則如歷代領之祠部郎官又屬鴻臚寺至徽宗時以道教改隸祕書省置道階自六字先生至額外鑑義品秩比視中大夫至將仕郎凡二十六等又置道學升貢及三歲大比法同科舉應天下神霄玉清萬壽宮天慶觀知及副知將來有聞竝以學校登科人充其餘宮觀亦依此令禮部署名籍差注如吏部法以蔡攸通行提舉道錄院中興後道釋教門事仍歸祠部

按崇元署一官唐創之以司道教而必屬之宗正

司者蓋唐以老氏爲始祖則崇其教者亦以爲尊

祖宗之事也杜氏通典所載凡唐所創之官而前代所無者則必敘其所掌之事以通之於前代如崇元一官前代無之然興崇二教而爲之建立官司則非始於唐也故必敘後魏所置仙人博士北齊所置昭元寺之類以先之愚又嘗欲以宋所創之官而通之於唐如崇元署宋雖無其官然亦嘗興崇道教爲之置立官司張皇而推舉之矣故以真徽兩廟所置玉清景靈宮使副及都提舉道錄院等事附見焉然唐則專主以一官而其品秩稍卑宋雖不專置官而常以宰相貴官兼之但天寶閒所置崇元館大學士二人以宰相爲之則又景靈玉清宮使譯經使所取法也

文獻通考

卷五

職官

七

諸陵園寢官漢置屬太常

長陵令秩二千石爲高祖陵也故尊其秩

元帝永

光元年分諸陵邑屬三輔

史記曰司馬相如爲孝文園令

後漢每陵園

令各一人掌按行掃除丞及校長各一人

校長主戒盜賊

晉宋

皆曰令而梁初爲監後亦改爲令梁以下皆有之唐每陵令丞各一人初屬太常開元二十五年竝屬宗正寺宋以宗正寺知丞事掌奉宗廟諸陵薦享之事

諸廟寢園令長丞漢置

宋志曰漢西京曰長東京曰令

晉有太廟令宋

太廟令領齋郎二十四人齊梁以下皆有

後魏有太常齋郎漢書曰

四千秋爲高廟寢郎舊屬太常唐開元二十五年二月敕宗廟所奉尊敬之極因以名署情所未安宜令禮官詳擇所宜奉聞至五月太常少卿韋條奏曰謹詳經典兼尋令式宗廟享薦皆主奉常別置署司事非稽古其太廟署請廢省本司專奉其事許之二十五年敕宗正設官實司屬籍而陵寢崇敬宗廟惟嚴割隸太常殊乖本系奉先之旨深所未妥自今以後諸廟署並隸宗正寺

宋以宗正寺知丞事掌奉宗廟諸陵薦享之事室長齋郎無常數廟直官一人太廟后廟宮闈令三人以入內內侍充元豐後太廟令屬宗正寺掌宗廟薦新七祀及

文獻通考

卷五

職官

三

功臣從享之禮

品秩與大社籍田令同

文獻通考卷第五十六

鄱陽馬端臨貴與著

職官考十

太僕卿

少卿 丞 典牧署

主簿 車府署

乘黃署 諸牧監

典廐署

周官有太僕下大夫掌正王之服位出入王之大命似

今太僕之職一云周穆王置太僕正以伯冏為之阿俱 永切

掌輿馬秦因之在周官則校人掌馬巾車掌車及置太

僕兼其任也漢初夏侯嬰常為之漢書曰夏侯嬰為沛 公太僕常奉車自高

帝至文帝常為太僕又石慶為太僕御出龍馬

上問車中幾馬慶以策數馬畢曰六馬領五監 閑駒

臺泉駒駝承華或曰六廐謂未央承華駒 五監各有長丞六廐各有令驗龍馬輪幹大廐也馬皆

文獻通考卷五十六 職官 一

萬匹武帝承文景蓄積海內殷富廐馬有四十萬匹時

匈奴數寇邊遣衛青霍去病發十萬騎并負私從馬凡

十四萬匹窮追大破匈奴漢馬死者十餘萬王莽改太

匹匈奴雖病遠去而漢亦馬少無以復往

僕為太御後漢太僕與漢同亦掌車馬天子每出奏駕

上鹵簿用大駕則執馭初漢西京置六廐東 魏因之晉

初有之銀章青綬五時朝服進賢兩梁冠佩水蒼玉領

典牧乘黃驂驪龍馬等廐令自元帝過江之後或置或

省故驂驪廐為門下之職晉宋以來不常置郊祀則權

置太僕執轡事畢則省齊亦然梁太僕卿位視黃門侍

郎統南牧左右牧龍廐內外廐陳因之後魏兼置少卿

太武帝平統萬赫連昌定隴右秃髮沮渠等河西水草

善乃以為牧地六畜滋息馬三百餘萬匹駝駝將半之

牛則無數孝文帝遷洛陽之後復以河陽爲牧場恒置戎馬十萬匹以擬京師軍警之備每歲自河西徙牧於并州漸南欲其習水土而無死傷也而河西之牧滋甚北齊太僕寺統驛驢左右

龍左右牝乘黃車府署卿及少卿各一人後周如古周隋如北齊煬帝加署少卿一人唐龍朔二年改太僕爲

司馭咸亨初復舊光宅元年改爲司僕神龍初復舊卿

一人掌馭五輅少卿本一員景雲元年加一員領乘黃

典廩典牧車府等四署署各有令天下監牧置八使五

十六監貞觀初僅有牧牝三千匹從赤岸澤徙之隴右十五年始令太僕卿張萬歲句當羣牧至麟德

四十年間馬至七十萬六千匹置八使領六監初置四

十八監跨蘭渭滑秦原四州之地猶爲隘狹更折八監布於河曲其時天下以一縑易一馬儀鳳三年少卿李思

文獻通考

卷五

職官

二

乖散准乎垂拱漸耗大半開元初牧馬二十四萬匹十三年加至四十五萬匹初有牛三萬五千頭是年有五萬頭初有羊十一萬二千口是年亦二十萬六千口盛於垂拱

丞秦漢有二人後漢一人漢書張敬字子高爲太僕丞魏晉因之東

晉或省或置梁有丞陳因之後魏北齊丞一人隋三人

唐因之

主簿梁置一人北齊亦一人隋二人唐因之

宋太僕寺判寺事一人以朝官以上充凡邦國廩牧車

輿之政令今分隸羣牧司騏驎院諸坊監本寺但掌天

子五輅屬車后妃王公車輅給大中小祀牛羊元豐改

官制置卿少卿丞主簿各一人卿掌車輅廩牧馬政之

令少卿爲之貳丞參預之元祐二年詔外監事令本寺

依羣牧司舊法施行應內外馬車專隸太僕直達樞密

院更不經尙書及駕部三年詔省主簿一員所隸官司

十 車輅院 掌乘輅 騏驥院 左右天駟監 掌養國馬 鞏轡

庫 掌御馬鞏轡 養象所 養馴象 駝坊 車營致遠務 掌分

畜上下監 掌治療病馬 元豐末廢畿內牧馬監元祐初置左

右天廄坊聽民間承佃牧地紹聖初置孳生監中興後

廢太僕併入兵部

乘黃署後漢太僕有未央廄令魏改爲乘黃廄乘黃古

之神馬因以爲名 乘黃亦名飛黃背有角日行萬里淮南子云天下有道飛黃伏卓一云神

文獻通考 卷五

黃獸名龍翼馬身黃帝乘而仙 晉以下因之宋屬太常銅印墨綬進賢

一梁冠絳朝服歷代皆有悉掌乘輿唐令丞各一人掌

乘輿車輅

典廄署周官有校人圉師趣馬掌十二閑之馬漢西京

太僕有龍馬長東京有未央廄令掌乘輿及宮中之馬

魏爲驂驪廄晉有驂驪龍馬二廄自宋以後分驂驪廄

屬門下梁太僕有龍廄及內外等廄陳因之北齊有驂

驪左右龍等署後周有左右廄各上士一人隋如北齊

唐改龍廄爲典廄署令二人丞四人掌在廄繫飼馬牛

及雜畜事

典牧署周官牧師下士四人掌牧馬而頒之秦漢邊郡

置六牧師令說在諸牧監篇魏晉以下因之隋有典牧牛羊等

署各置令丞唐有乘黃等四署令丞各四人掌外牧及

造酥酪脯腊之事

車府署秦有車府令以趙高為之歷代皆有漢魏屬太

僕宋齊以後屬尚書駕部北齊以下又屬太僕唐置令

丞各一人掌王公以下車輅

諸牧監漢大僕有牧師諸苑三十六所在北邊西邊以

郎為苑監官魏置牧官都尉晉因之自後無聞北齊有

左右牝牡駝牛羊等署令後周曰典牝典牡上士中士

文獻通考

卷五

職官

四

又有典駝典羊典牛中士隋曰典牧署牛羊署令丞唐

初因之分曰牧監置監副監丞主簿

武太后聖歷二年正月署控鶴府監

一員從三品丞一員從六品主簿一員從七品左

右各二十員從五品下以張易之為控鶴監統控控鶴

出入供奉以麟臺監張昌宗統右控鶴內供奉久視元

年六月改控鶴監為天驥府其月二十五日又改為奉

宸大夫前改為天驥者宜內供奉員半千以奉宸之職

古無其事又授斯任者率多輕薄非朝廷進止選上疏

請罷之由是忤旨其年四月敕奉宸令一員從三品奉

宸侍郎一員從四品上奉宸大夫十員左右各五品奉

宸駿乘十員左右各五從六品上奉宸主簿一員從七

品上凡二十四員以應二十四氣控鶴奉宸之各歷代

不設既以車馬名職遂附此篇

宋有羣牧司制置使景德四年置使副使都監判官制置使

一人以樞密使副為之明道二年罷未幾復置使一人以兩省以

上充

使舊一員皇祐初以翰林學士吏部郎中梁適爲同羣牧使時彭乘已爲使適員外置也副使

一人以內侍都知充都監二人以諸司使充判官二人

以京朝官充掌內外廄牧之事周知國馬之政而察其

登耗凡受宣詔文牒則以時下於院監大事則制置使

同簽小事則專遣其副使都監不備置判官都監每歲

更出諸州巡坊監點印國馬之蕃息者 左右騏驥院

句當官各三人以諸司使副及內侍充掌牧養國馬以

供乘輿及頒賜王公羣臣蕃夷國信給騎軍廄置之用

天駟左右四監監官各一人 左右天廄坊監官各

一人 牧養上下監官各一人並以三班使臣充 乳

文獻通考

卷美

職官

五

酪院以句當左騏驥官兼掌供尙食乳餅酥酪之事

藥蜜庫監官二人以京朝官充掌受餽蜜藥物以供馬

醫之用 佑馬司句當官三人以內侍押班諸司使副

充掌閱諸州所市馬平其直 車營致遠務監官三人

以京朝官諸司使副充掌養飼驢牛以駕車乘 駝坊

監官二人以三班使臣充掌牧養橐駝 皮剝所監官

二人以三班使臣充掌割剝馬牛諸畜之死者

大理卿 少卿 正 丞 主簿 獄丞 司直

今大理者亦舜攝帝位臯繇作士正五刑周秋官之任

秦爲廷尉漢因之掌刑辟凡獄必質之朝廷與衆共之

之義也兵獄同制故曰廷尉此應劭注也顏師古曰廷平也理獄貴平故以為號

景帝中元六年更名大理武帝建元四年復為廷尉哀

帝元壽初年復為大理後漢廷尉卿凡郡國獄疑識質皆

處當以報楊賜為廷尉乃漢曰昔三后成功惟股於民而皋繇不與焉蓋吝之也遂以世非法官固

辭漢官儀曰光武時有疑獄見廷尉曹史張禹所問輒

對處當詳理於是策免廷尉以禹代之雖越次而授亦

足以勵其臣節以世家為之而郭氏尤盛郭躬為廷尉躬家世掌法務在寬平乃條

諸重文可從輕者十一事建安中復為大理鍾繇以大

奏之事皆施行著之於令魏黃初元年改為廷尉鍾毓字稚叔為廷尉聽君父亡

妻不復改嫁歷代皆為廷尉梁國初建曰大理天監元

年復改為廷尉舊用黃門後視祕書監有正監平三人

文獻通考

卷五十一

職官

六

元會廷尉三官與建康三官皆法冠元衣朝服以監東

西中華門手執方木長三尺一寸謂之執方天監元年詔建康獄

依廷尉三官置正監平革選士流視給事以尚書郎出為之官服廷尉三官同陳因之後魏亦

曰廷尉北齊曰大理寺置卿少卿各一人後周有刑部

中大夫掌五刑之法附萬人之罪屬大司寇亦其任也

今刑部侍隋初與北齊同文帝時議置六卿將除大理

郎之任大僕省有刑部寺除大理盧思道奏曰省有駕部寺雷

斯則重畜產而賤刑名也至煬帝加置少卿二人唐龍

朔二年改大理為詳刑咸亨元年復舊光宅元年改為

司刑神龍元年復舊卿一人掌鞠獄定刑名決諸疑讞

少卿二人永徽六年初置少卿一員正二人丞六人主簿

二人司直六人評事十二人

正秦置廷尉正漢因之後漢一人魏晉謂正監平為廷

尉三官晉廷尉三官通視南臺持書舊尚書郎下遷梁制服獬豸冠介幘卓衣銅印用墨綬其後

皆有隋開皇三年增為四員煬帝增為六員唐二人通

判寺事龍朔二年改為詳刑大夫咸亨初復舊

丞自晉武咸寧中曹志上表請廷尉置丞宋齊梁竝因

之後魏亦然北齊曰大理丞一人隋初二人至煬帝改

為句檢官增為十六人分判獄事唐又曰丞置六人杜景

佺徐有功竝為司刑丞與來儁臣侯思正同制獄人稱之曰馮徐杜必生遇來侯必死

主簿自魏晉宋齊梁陳皆有唐置二人

文獻通考

卷五

職官

七

獄丞晉有左右丞各一人宋齊因之梁陳置二人後魏

北齊亦然隋有獄掾八人唐曰丞有四人

司直後魏永安二年置司直十人御史中尉高穆所奏置視五品

隸廷尉位在正監上不署曹事唯覆理御史檢劾事漢武

已置司直屬丞相府非此司直北齊隋因之隋初置十人煬帝置十六

人唐置六人掌承制出使推覆若寺有疑獄則參議之

評事漢宣帝地節三年初於廷尉置左在平員四人宣帝

詔曰今遣廷吏與郡鞠獄任輕祿簿其為置正平員四人其務平之涿郡太守鄭昌上言曰聖王立法明刑者

非以為理救衰亂之起也今明主躬垂明聽不置廷平

獄將自正若開後嗣不若刪定律令律令定愚民知所

避就姦吏無所弄法今不正其本而置廷平以理其未

代衰聽惑則廷平將搖權而為亂首也宣帝始置左右

平而三輔決錄注云何比平漢武帝爲廷尉右平謬矣後漢光武省右平唯有左

平一人掌平決詔獄冠法冠魏晉以來無左右而直謂

之廷尉平後魏北齊及隋廷尉平各一人開皇三年罷

至煬帝乃置評事四十八人掌與司直同其後官廢唐

貞觀二十二年褚遂良議重法官復奏置評事十員掌

出使推覆後加二人爲十二員

監秦置廷尉監漢有左右監祁吉字少卿爲廷尉監光武省右監

唯有左監一人魏晉以來無左右而直云廷尉監隋開

皇三年罷大理監

宋大理寺以朝官一員或二員判寺事一員兼少卿事

文獻通考卷三十一職官八

建隆二年以工部尙書竇儀判寺事故事臺省長官兼判公事得言判某

官事如晉朝尙書左丞崔視兼判太常卿事是也若止言寺事則其屬丞正並可行之竇儀兼判太常寺又兼

判大理寺事凡獄訟之事隨官司決劾不復聽信但掌

皆新例也斷天下奏獄送審刑院詳訖同書以上於朝熙寧九年

神宗謂國初廢大理獄非是以問孫洙洙對合旨於是

下詔以京師官寺凡有獄皆繫開封府司錄司及左右

軍巡三院囚逮猥多難於隔訊又暑多瘦死因緣畱滯

動涉歲時稽參故事宜屬理官可復置大理獄天下奏

案刑部審刑院詳斷置卿一少卿二丞四始命崔台符

知卿事蹇周輔楊汲爲少卿各舉丞及檢法官凡官屬

依御史臺例謁有禁官制行左斷刑右治獄各五案

左廳

斷刑曰詳刑詳讞宣黃分簿奏表右廳治獄曰左推右推寺案知雜檢治

元祐間因鮮于侁

所請廢大理獄後復卿掌折獄詳刑鞠獄之事凡職務

分左右天下奏劾命官將校及大辟囚以下以疑請讞

者隸左斷刑則司直評事詳斷丞議之正審之若在京

百司事當推治或特旨委勘及繫官之物應追究者隸

右治獄則丞專推鞠蓋少卿分領其事而卿總焉建炎

三年併省寺監而大理如故省卿而斷刑治獄少卿各

一員寺正神宗復置大理獄後置寺正元豐五年刑

部乞分評事司直與正爲斷司丞與長貳爲議司凡斷

文獻通考

卷五十一

職官

九

案先上正看詳當否論難改正然後過議司覆議建炎併省斷治獄寺正各一員寺丞國初爲寄祿官視後

來宣教郎神宗正官名置獄丞四員命卿少舉官元豐

五年命莫君陳等九人爲大理寺丞始自朝廷差官也

舊制斷刑寺丞六員建炎三年減三員治獄寺丞減二

員司直元豐時命程嗣先等四人爲之建炎元年詔

斷刑司直兼治獄司直其治獄司直罷評事國初爲

京官寄祿視後來承事郎元豐正官名命張仲穎等十

二人爲評事隆興二年詔評事以八員爲額以雷霆號

令星斗文章爲號

周官大行人掌大賓客之禮注云禮又有象胥干寶秦官

有典客掌諸侯及歸義蠻夷史記曰韓信亡楚歸漢為

漢改為鴻臚應劭曰郊廟行禮贊導九賓鴻臚也景帝

二年令諸侯王薨列侯初封及之國大鴻臚奏諡誅策

應劭曰皇帝建諸侯王賓諸侯王皆屬大鴻臚故其薨奏其行述賜與諡及哀策誄之列侯薨及

諸侯太傅初除之官大行奏諡誅策周禮有大行人小

名之臣贊曰大行是官名掌九儀之制以賓諸侯者顏

師古曰事之尊者遣大鴻臚而輕賤者遣大行人

建中六年改大鴻臚為大行令武帝太初元年更名大

鴻臚又更名其屬官行人為大行令其屬官又有郡卿

文獻通考卷美職官十

在京師者至後漢秦時又有典屬國官掌蠻夷降者漢

省但令郎理郡卿因之成帝河平元年省之併大鴻臚王莽改後漢大鴻

臚卿一人諸王入朝當郊迎典其禮儀及郡國上計餘

職與漢同凡皇子拜王贊授印綬及拜諸侯諸侯嗣子

及四方夷狄封者臺下鴻臚召拜之王薨則使使弔之

及拜王嗣魏及晉初皆有之自東晉至於宋齊有事則

權置兼官畢則省梁除大字但曰鴻臚卿位視尚書左

丞常導護贊拜職官錄曰舊視散騎常侍天監中視中丞吏部後魏曰大鴻臚

北齊曰鴻臚寺有卿少卿各一人亦掌蕃客朝及吉凶

弔祭後周司寇有蕃部中大夫掌諸侯朝覲之敘有賓

部中大夫掌大賓客之儀隋文帝開皇三年廢鴻臚寺入太常十二年復置領典客司儀崇元三署至煬帝置少卿二人唐龍朔二年改鴻臚爲司文咸亨初復舊光宅初改爲司賓神龍初復舊卿一人掌賓客凶儀之事及冊諸蕃少卿本一員景雲二年加一員領典客司儀二署署各有令

丞秦曰典客丞漢爲鴻臚丞

蕭望之爲之

魏晉亦然梁陳後

魏北齊皆有之後周曰賓部上士隋如北齊唐因之有二人

主簿一人

文獻通考

卷美

職官

士

典客署周官有掌客上士中士秦官有典客漢改爲鴻臚鴻臚屬官有大行令丞

本名行人武帝改爲大行令丞

魏改大行令

爲客館令晉改爲典客宋分置南北客館令齊梁陳皆有客館令丞後魏初曰典客監太和中置主客令北齊有典客署後周置東南西北四掌客上士下士隋初又曰典客署置令丞煬帝改爲典藩署唐爲典客署置令丞各一人掌二王後蕃客辭見宴接送迎及在國夷狄司儀署周官有司儀上士中士漢大鴻臚有理禮郎自後無聞後魏置司儀官北齊置署令丞後周置上士等員隋如北齊唐因之置令丞各一人掌凶事儀式及喪

葬之事

宋鴻臚寺判寺事一人以朝官以上充凡四夷朝貢宴享送迎之事分隸國信所都亭懷遠驛禮賓院本寺但

掌祭祀朝會前資致仕蕃客進奉位享拜周六廟三陵公王妃主以下喪葬羌官監護給其所用鹵簿文武官

薨卒之事 往來國信所管句官二人以都知押班充

掌大遼使介交聘之事 都亭驛監官一人 西驛管句官二人以

諸司使副以下至三班使臣充掌河西蕃部貢奉之事 禮賓院監

官二人以閤門祇候以上及三班使臣充掌蕃夷貢朝互市之事

懷遠驛監官二人以監外物料庫官兼掌西南蕃交州龜茲占城注輦

文獻通考 卷三十一 職官 三

大石于闐甘沙宗哥等貢奉之事 元豐官制行置卿少卿丞主簿各一

人卿掌四夷朝貢宴勞給賜送迎之事及國之凶儀中

都祠廟道釋帳籍除附之禁令少卿為之貳卿參領之

所隸官屬十有二中泰一宮建隆觀等各置提點所掌

殿宇齋宮器用儀物陳設錢幣之事在京寺務司及提

點所掌諸寺葺治之事傳法院院掌譯經潤文左右街僧

錄司掌寺院僧寺幄籍及僧官補授之事同文館及管

句所掌高麗使命都亭西驛懷遠驛禮賓院所掌見前

中興後廢鴻臚併入禮部

司農卿 少卿 丞 主簿 上林署 太倉署 鈞盾署 導官署 苑總監 諸倉監

司竹監 溫泉湯監 諸屯監 驃粟都尉等
官 典農中郎將等官 籍田令

少皞氏以九扈為九農正 扈鳥也扈有九種以為農 舜

攝帝位命棄為后稷周則為太府下大夫秦為理粟內

史掌穀貨漢景帝更名大農令武帝太初元年更名大

司農掌九穀六畜之供膳羞者 見宋志漢書 凡郡國諸

倉農監都水六十五官皆屬焉 毋將崇字君房為執金

及乳母崇以為武庫兵器天下公用繕修造作皆度大

司農錢自乘輿不以給供養勞賜一出少府蓋不以本

藏給末用不以人力供私費也 後漢大司農掌諸錢穀

王莽改曰義和後改為納言 劉據為大司農以職事被譴靈帝召諸尚書傳呼

金帛 促步將加捶撻尚書令左雄奏曰九卿位亞三公

行有佩玉之節勳有庠序之儀孝明永平始加 郡國四

撻罰非古典也帝從之九卿於此始免捶笞

文獻通考 卷五百 職官 三

時上月旦見錢穀簿其逋未畢各具別之邊郡諸官請

調度者皆為給報損多益寡取相給足初郡國鹽官鐵

官竝屬司農中興皆屬郡縣建安中為大農魏黃初元

年又改為司農晉初因之渡江哀帝末省司農并都水

孝武復置宋齊皆有之梁司農卿位視散騎常侍主農

功倉廩陳因之後魏曰大司農北齊曰司農寺有卿少

卿各一人掌倉市薪米園池果實後周有司農上士一
人掌三農九穀稼穡之政令屬大司徒隋初與北齊同
煬帝置少卿二人唐龍朔二年改司農為司稼咸亨初
復舊卿一人少卿二人掌東耕供進耒耜及邦國倉儲

之事領上林太倉鉤盾導官四署署各有令丞

丞秦曰理粟內史丞有二人漢為大司農丞亦二人或

謂之中丞耿壽昌為大司農中丞奏設常平倉給北邊省轉漕又桑弘羊為大司農中丞管諸計會

事平帝又置大司農部丞十三人人部一州勸農桑後

漢司農丞一人部丞一人部丞主帑藏魏晉因之銅印黃綬

宋齊以進賢一梁冠介幘阜衣後魏北齊皆有司農丞

來墨綬隋置五人唐六人

主簿晉太康中置自後無聞梁陳又有北齊亦然唐因

之

宋司農寺判寺事二人以兩制或朝官以上充熙寧二

文獻通考

卷五

職官

五

年立常平斂散法三年詔以新法付司農寺而農田水

利免役保甲等法悉自司農講行以呂惠卿鄧綰判寺

胡宗愈曾布同判元豐官制行寺監不治外事遂循唐

典正事職秩司農舊職悉歸戶部右曹司農掌倉儲委

積之政令總苑園庫務之事而謹其出納京都官吏祿

廩諸路茂運至京師悉掌焉凡苑園行幸排比及薦享

進御頒賜植藏之物與造麩藁給薪炭皆戒有司以時

辦具天子親耕籍田則奉耒耜所隸官屬凡五十倉二

十有五續會要總倉草場十有二續會要排厓司四園

苑四建炎三年詔罷司農寺紹興四年復置司農寺卿

少各特置一員 丞熙寧新法行呂惠卿請始置司農寺丞一員五年增置丞四員仍與簿輪出按察逐年保甲又置句當公事官以葉康直等四人爲之九年以句當公事官所至輒用喜怒罷之元豐四年止置丞一員餘竝罷中興後置丞二員 主簿治平中已置熙寧新法行詔增一員後置六員元豐四年罷三員建炎罷紹興復置

上林署漢水衡都尉之職說在都水篇後漢曰上林苑令丞

主苑中禽獸頗有人居皆主之魏晉因之江左無聞宋初復置隸尚書殿中曹齊因之梁陳屬司農北齊及隋

文獻通考卷五職官五

亦然唐因之有令二人丞四人掌諸苑園池沼種植蔬菓藏冰之事

宋四園苑提舉官無常員以三司判官內侍都知諸司使以上充東曰宜春南曰玉津西曰瓊林北曰瑞聖監官各二人以諸司使副或內侍三班使臣充又有西京宮苑司句當官一人元豐後四園苑屬司農

太倉署周官有廩人下大夫上士秦官有太倉令丞漢因之屬大司農後漢令主受郡國傳漕穀其滎陽敖倉

官中興後屬河南尹歷代竝有之晉江左以來又有東倉石頭倉丞各一人北齊亦然後周曰司倉下大夫隋有令二人丞六人唐

有令三人丞二人掌倉廩出納

宋諸倉京城有船般倉稅倉中倉總二十五名監官每界二人以京朝官及三班使臣充元豐後二十五倉屬司農官吏軍兵祿食凡綱運受納及封樁支用月具報數以報司農中興後又有豐儲倉初紹興以上供米餘數樁管別廩以爲水旱之助後益增廣收糴置監官二員監門官一員淳熙閒命右司爲之提領後以屬檢正非奉朝廷指揮不許支撥凡外州軍起到樁管未從司農寺差官盤量據納到數報本所樁管

鉤屯署漢鉤盾令宦者典諸近園苑遊觀之事屬少府文獻通考

卷五

職官

六

後漢亦有之晉大鴻臚屬官有鉤盾令自後無聞北齊如晉制隋如北齊令三人丞十二人唐因之令二人丞四人掌薪炭鵝鴨藪澤之物

天寶五載九月侍御史楊釗充木炭使自後相循或

以京尹或以戶部侍郎充

導官署

導擇

周有春人秦漢有令丞屬少府漢東京令丞主春御米及作乾糲

音備

屬大司農歷代皆有唐置令二人丞四人掌春碾米麩油燭之事

苑總監自隋而置東西南北各有監及副監唐因之兼有丞主簿等官以掌苑內宮館園池之事

諸倉監後漢河南尹屬官有滎陽穀倉長丞梁司農有

左中右三部倉丞陳因之隋諸倉各有監官唐因之掌倉廩出納

司竹監漢有司竹長丞魏晉河南淇園竹各置官守之後魏有司竹都尉隋曰司竹監唐因之有監副監丞掌植養園竹之事

溫泉湯監令唐置掌湯院宇修整器物以備供奉

諸屯監隋置諸屯監及副監畿內者隸司農自外者隸諸州唐因之置監及丞掌營種屯田旬當功課畜產等事

驄粟都尉 驄音稜索也漢武帝軍官不常置又有治粟都尉

文獻通考 卷五十六 職官 七

均輸令漢有之後漢省

幹官長漢有之 如淳曰幹音管或作幹主均輸之事所謂幹鹽鐵也管灼曰箭幹之官長也均輸自有令師古曰如說讀爲初幹官屬少府中屬主爵幹持貨財之事非箭幹也

後屬司農

典農中郎將 典農都尉 典農尉校竝曹公置晉太

始二年罷農官爲郡縣後復有之隋煬帝罷典農官

勸農謁者梁武帝天監九年置視殿中御史自驄粟以

下盡屬司農唐無之

籍田令周爲甸師漢文帝感賈誼之言始開籍田置令

丞掌耕國廟社稷之田春始東耕於籍田祠先農大賜

三輔二百里孝弟力田三老帛種百穀收萬斛立爲籍田館穀皆以給祭天地宗廟羣臣之祀東漢及魏闕晉武復置江左省宋元嘉中又置

宋掌帝籍耕耨出納之事五穀蔬果藏冰以待用元豐三年詔籍田令隸太常寺渡江初闕紹興十五年初除康與之爲籍田令三十一年詔籍田司權罷官吏竝罷後復置

太府卿 少卿 丞 主簿 諸市署 平準署 左右藏署 常平署

周官有太府下大夫掌貢賦之貳受其貨賄之入頒其貨賄於受藏之府歷代不置然其職在司農少府至梁

文獻通考 卷五十一 職官 六

天監七年置太府卿位視宗正掌金帛府帑及關津市肆陳因之後魏太和中改少府爲太府卿兼有少卿掌財物庫藏 王顯謂楊固曰吾作太府卿庫藏充實固曰減百官之祿及贓贖悉入京藏以此充府未足爲多且有聚斂之臣寧有盜臣 北齊曰太府寺亦有卿少卿各一人又兼掌造器物後周有太府中大夫掌貢賦貨賄以供

國用屬大冢宰隋初與北齊同所掌左右藏及尙方司染甄官等署煬帝置少卿二人又分太府寺置少府監管尙方織染等署而太府但管京都市及平準左右藏

唐龍朔二年改太府爲外府咸亨元年復舊光宅元年改爲司府神龍元年復舊卿一人少卿二人 龍朔元年置少卿二

人分監兩都事太極元年又加一人領兩京諸市平準左右藏常平等九署署各有令丞

丞於周官為太府上士之任自後無聞梁太府丞一人

陳因之後魏北齊各一人後周曰太府上士隋又曰府

丞唐因之有四人

主簿亦周官太府下士之任自後無聞梁置一人陳因

之後魏亦然隋置四人唐因之減一人

宋太府寺判寺事一人以兩制或帶職朝官充凡財貨

廩藏貿易四方貢賦百官俸秩皆隸三司本寺但掌祠

祭香幣帨巾神位席及造斗秤升尺而已元豐改制始

文獻通考

卷五

職官

五

正職掌

四朝志此據續會要而題名乃云國初省部寺監惟以寄祿寺則光祿太常宗正衛尉司農大

理或以卿或以貳或以丞各寓一階別設主判之官以典事惟太府則否其職悉入三司諸案故主判之任罕

置與會要卿掌財貨出納貿易之事凡貢賦之輸於京

師者至則別而受之供君之用及待邊費則歸於內藏

供國之用及待經費則歸於左藏

應祿賜以法給歷從有司檢察書其名數

鉤覆而後給焉供奉之物則承旨以進審奏得畫乃聽除之若頒畿內軍衣則前期進樣定其領日將校部營

兵支請月具數以聞凡賈商之賦小買則門征之大買則輸於務貨之不售平其價鬻於平準乘時除貨以濟

民用若管取於官則給用多寡各從其抵歲以香茶鹽鈔募人入豆穀實邊即京都關用物預報度支凡課入

祿則卿置幣奠土則入陳玉帛元祐三年詔太府寺置

長貳餘寺監長貳互置建炎三年詔罷太府寺撥隸金

部獨以一丞治饘茗之質劑凡省五年而後復置卿少

各一員 丞元豐改制置二人元符中增一員崇寧中

置藥局添丞一員宣和中省一員紹興置二員參預寺

事 簿元豐置二人建炎罷紹興復置太府寺所隸官

司二十有五 左藏東西庫 南北兩庫 掌受四方財賦之入以待

經內藏庫受歲計之餘積以待非常之用 奉宸庫 掌內庭金玉珠寶良貨 祇候庫

掌受錢帛雜物以備傳詔頒給賜予 元豐庫 神宗 布庫 茶庫 雜物庫

糧料院 掌以法式批支諸司諸軍之廩祿 審計司 掌審受給之數驅磨當否 商稅

務收京城 汴河上下鎖禁河上下鎖 掌收舟船木筏之征 都提舉

市易司 掌提點貨物 雜買務 雜賣場市易上界 掌斂市不售貨

文獻通考 卷之五 職官 市

滯於民用者 市易下界 掌飛錢給券以通官糴 推貨務 掌折博斛金銀之屬

交引庫 掌給印出納引錢鈔之事 抵當所 掌以官錢聽民質取濟其緩急 和劑惠民

局 掌合藥出賣 店宅務 掌管官屋邸店 石炭場 掌受納出賣石炭 香藥

庫中興後惟有糧料院審計司編估局打套局 二局繫揀選市

舶香藥 交引庫祇候庫左藏東西庫和劑惠民局寄椿

庫 諸市署周官有司市下大夫掌市之理漢京兆尹屬官

有長安市市長丞後漢則河南尹屬官洛陽市長丞魏晉

因之東晉則丹陽尹管之宋齊因之梁始隸太府陳因

之後魏有京邑市令北齊則司州牧領東西市令丞後

周司市下大夫隋初京市令丞屬司農煬帝改隸太府
唐因之每市令一人丞二人

平準署周官有貨人中士下士主平定物價秦置平準
令漢因之掌知物價及主練染作彩色

趙廣漢州舉茂才爲平準令

後漢平準令丞隸大司農嘉平四年改平準爲中準使
宦者爲之列於內署自是諸署悉以閹人爲令丞魏少
府屬官有平準令宋唯掌染順帝卽位以帝諱準故曰
染署齊又曰平準屬少府梁陳則曰平水令丞北齊平
準屬司農後周曰平準中士下士隋初如北齊煬帝改
隸太府唐因之令二人丞四人掌官市易

文獻通考

卷五

職官

五

左右藏署周官有職幣上士中士掌邦財之幣又外府
中士主泉藏有玉府掌王之金玉兵器之藏內府中士
主貨賄藏在內也職內上士主泉貨所入蓋其任也漢
少府屬官有中藏府令丞魏因之晉有左右藏令屬少
府晉江東置御史掌庫曹後分庫曹曰外左庫內左庫
至宋省外左庫而內左庫直曰左庫齊梁陳曰右藏北
齊曰左右藏令屬太府寺後周曰外府上士中士隋如
北齊唐因之置左藏署令三人

掌庫藏錢布帛雜絲

右藏署令二

人掌銅鐵毛角弄玩之物金玉珠

寶香畫采色譜方貢獻雜物

常平署漢宣帝時耿壽昌請於邊郡皆築倉穀賤時增

價而糴貴時減價而糴名曰常平倉常平之名起於此

也後漢明帝置常滿倉晉又曰常平倉自後無聞梁亦

曰常平倉而不糴糴陳因之後魏太和中雖不名曰常

平亦各令官司糴貯儉則出糴隋曰常平倉唐武德中

置常平監官以均天下之貨市肆騰踊則減價而出田

長之後省監署常平署令一人掌倉糧管鑰出納糴糶凡

天下倉廩和糴者為常平倉正租為正倉地子為義倉

祕書監少監 丞 郎 校書郎 正字 著作

周官太史掌建邦之六典又有外史掌四方之志三皇

五帝之書漢氏圖籍所在有石渠石室延閣廣內貯之

文獻通考卷五十一 職官 三

於外府又有御史中丞居殿中掌蘭臺祕書及麒麟天

祿二閣藏之於內禁後漢圖書在東觀桓帝延熹二年

始置祕書監一人掌典圖書古今文字考合同異屬太

常以其掌圖書 祕 記故曰祕書後省魏武帝又置祕書令典尚書奏

事即中書 令之任文帝黃初初乃置中書令典尚書奏事而祕

書改令為監掌藝文圖籍之事初屬少府後乃不屬王 白

肅為監 乃不屬其蘭臺亦藏書籍而御史掌之魏薛夏云蘭臺 為外臺祕書為

內晉武帝以祕書併入中書省其祕書著作之局不廢

惠帝永平中復別置祕書監并統著作局掌三閣圖書

自是祕書之府始居於外其監銅印墨綬進賢兩梁冠

絳朝服佩水蒼玉宋與晉同梁曰祕書省任昉字彥昇為祕書監自齊永元以來祕閣四部篇卷紛雜昉手自讎校由是篇目定焉陳因之後魏亦有之後

周祕書監亦領著作監掌國史說在祕書丞注隋祕書省領著作太史二曹煬帝增置少監一人後又改監少監竝為

令唐武德初復改為監龍朔二年改祕書省為蘭臺改監為太史少監為侍郎咸亨初復舊天授初改祕書監

為麟臺神龍初復舊掌經籍圖書監國史領著作太史二局太極元年增祕書少監為二員通判省事其後國

史太史分為別曹而祕書省但主書寫勘校而已漢初御史中丞掌蘭臺祕書圖籍之事至魏晉其制猶存故

歷代營都邑置府寺必以祕書省及御史臺為鄰雖非文獻通考卷五職官三

要劇然好學君子亦求為之魏徵後為祕書監奏引學者校定四部書自是祕府

圖籍燦然畢備

丞魏武帝置祕書令及丞一人典尚書奏事後文帝黃

初中欲以何楨為祕書丞而祕書先自有丞乃以楨為

祕書右丞其後遂有左右二丞劉放為左丞孫資為右

丞後省晉復置祕書丞銅印墨綬進賢一梁冠絳朝服

嵇紹司馬彪傳暢王謚等竝為此官宋為黃綬餘與晉同齊梁尤重陳隋

印綬與齊同歷代皆有後周柳蚪為祕書丞時祕書雖領著作不參史事因蚪為丞始

命監掌焉唐龍朔二年改為蘭臺大夫咸亨初復舊掌府事

句稽省署鈔目

祕書郎後漢馬融

字季長

為祕書郎詣東觀典校書及魏

武建國又置祕書郎嘗以劉邵為之出乘鹿車

王肅表曰臣以

為祕書職於三臺為近密中書郎在尚書丞郎上祕書丞郎宜次尚書郎下不然則宜次侍御史下祕書丞郎

俱四百石遷宜比尚書郎出亦宜為郡此陛下崇儒術盛旨也尚書郎侍御史皆乘犢車而祕書丞郎獨乘

鹿車不得朝服又恐非陛下轉晉祕書郎掌中外三閣臺郎以為祕書丞郎之本意也

經書校閱脫誤進賢一梁冠絳朝服亦謂之郎中武帝分祕書圖籍為甲乙丙丁四部使祕書郎中四人各掌

其一宋齊祕書郎皆四員尤為美職皆為甲族起家之

選待次入補其居職例十月便遷

宋王敬弘子恢之召為祕書郎敬弘求為

奉朝請與恢之書曰祕書日有限故有競朝請無限故無競吾欲使汝處無競之地文帝許之

文獻通考

卷五

職官

五

張纘字伯緒為祕書郎固求不遷欲徧觀閣內圖籍

自齊梁之末多以貴遊子弟

為之無其才實

當時諺曰上車不落則著作體中何如則祕書

歷代皆有北齊

又謂之郎中隋除中字亦四員唐亦四員分掌四部經

籍圖書分判校寫功程事龍朔中改為蘭臺郎咸亨初復舊開元二十八年減一員

宋太平興國二年始建崇文院昭文館史館集賢院皆

總為崇文院及端拱初建祕閣

釋三館書籍真本并內出古畫墨迹等藏之

亦在崇文院中淳化元年詔祕閣次三館祕書省仍隸

京百司時祕書雖有監少監丞郎校書郎正字著作郎

佐皆以為寄祿官常帶出入

祕監即今中大夫也

郎官至祕書監

有特令供職者有以他官兼者領有以判祕閣官兼判

者 至道中末以翰林學士承旨兼祕書監淳化中李至自前執政以禮部侍郎兼祕書監祥符九年楊億以祕書監判祕閣兼祕書省事見麟臺故事凡邦國經籍圖書悉歸祕閣而祕

書所掌常祭祀祝版而已元豐正名以崇文院為祕書省既罷館職

麟臺故事云國初三館直館直校勸通謂之館職必試而命不試而命者皆異恩

盡以三館職事歸祕書省置祕書省職事官自監少至正字不領他局初除龍圖閣學士王勝之為祕書監時

寄祿官為正議大夫蓋裕陵欲重此選又勝之雅有文學故也監掌書籍圖史天文歷數之事屬有五著作佐

郎祕書校書祕書正字各以職隸於長貳惟日歷非編

文獻通考 卷五十一 職官 五

修官不預元祐中復置集賢院校理自校理而上職有

六等隨官資除授或領內外職任不必專在館中紹聖

初罷之宣和初改元豐之制增定為十八員以放唐登

瀛之數政和五年詔祕書省殿以右文為名改集賢殿

修撰為右文殿修撰建炎三年罷紹興元年復置 舊祕書省

建於禁中至是權寓臨安府法惠寺十四年創新省於天井巷之左少監游操授政和故事乞置提舉官遂以授禮部侍郎秦禧後又以孟忠厚為禮泉觀使提舉月過局如宰執五年立定十八員為

額太史局文德殿鐘漏所隸焉隆興元年詔監少丞外

以七員為額二年詔依祖宗舊法更不立額 丞淳化

六年詔祕書監丞仍舊惟無定員及不專職分蒞中外

之任寄祿官後元豐後掌參領書籍國史天文歷數之

事郎國初為寄祿官後亦奉議郎元豐後掌校寫分貯集

賢院史館昭文館祕閣經籍圖書則祕書郎主之元祐

四年祕書郎竝除升朝知縣已上資序人任滿除集賢

校理紹興初罷校理

祕書省校書郎漢之蘭臺及後漢東觀皆藏書之室亦

著述之所多當時文學之士使讎校於其中故有校書

之職初漢成帝時已命光祿大夫劉向於天祿閣校經傳諸子詩賦步兵校尉任宏校兵書太史令尹咸

校數術太醫令李柱國校方技後以諸大夫揚雄等亦典校於其中後於蘭臺置令史十

八人秩百石屬御史中丞又選他官入東觀皆令典校祕書或撰

文獻通考

卷五十一

職官

三

述傳記後漢明帝以班固為蘭臺令史撰光武本紀及諸傳記又以傅毅為蘭臺令史與班固賈逵等

共典蓋有校書之任而未為官也故以郎居其任則謂

之校書郎以郎中居其任則謂之校書郎中當時重其

職故學者稱東觀為老氏藏室道家蓬萊山焉至魏始

置祕書校書郎晉宋以下無聞至後魏有祕書校書郎

北齊亦有校書郎後周有校書郎下士十二人屬春官

之外史隋校書郎十二人煬帝初減二人尋更增為四

十人唐置八人掌讎校典籍為文士起家之良選其弘

文崇文館著作司經局竝有校書之官皆為美職而祕

書省為最

祕書正字後漢桓帝初置祕書監掌圖書古今文字考
合同異其後監令掌圖籍之紀監述作之事不復專文
字之任矣今之正字蓋令監之遺職校書之通制歷代
無聞齊集書省有正書北齊祕書省有正字隋置四人
唐因之掌刊正文字其官資輕重與校書郎同貞元八年割校書四員正字兩員隸集賢殿

宋初爲寄祿官

後改承務郎

元豐後校書郎四人正字二人

掌校讎典籍刊正訛謬各以其職隸於長貳元祐初立
試中人除館職法選人除正字京官除校書郎建炎初
罷紹興復置必召試學士院而後命之

文獻通考

卷五

職官

七

著作郎漢東京圖書悉在東觀故使名儒碩學入直東
觀撰述國史謂以著作東觀皆以他官領焉蓋有著作
之任而未爲官員也

蘭臺令史班固傳毅洛陽令陳崇長陵令尹敏司隸校尉孟冀及楊

彪等著

魏明帝太和中始置著作郎官隸中書省專掌

國史

衛觀字伯儒以侍中尙書典著作

晉元康二年詔曰著作舊屬中

書令祕書旣典文籍宜改中書著作爲祕書著作於是
改隸祕書後別自置省

謂之著作省

而猶隸祕書著作郎一

人謂以大著作專掌史任進賢兩梁冠介幘絳朝服宋
齊與晉同梁制一梁冠而無印綬

以上並大著作

魏氏又置佐

著作郎亦屬中書晉佐著作郎八人進賢一梁冠絳朝

服祕書監自調補之太元四年詔祕書無監使吏部選

鄭湛謂祕書監和嶠曰閭纂可佐著作嶠曰此職間重勢貴多爭不暇求才按此則大著作祕監自調也晉

制佐著作郎始到職必撰名臣傳一人宋初以國朝始

建未有合撰者其制遂廢矣宋齊以來遂遷佐於下謂

之著作佐郎亦掌國史集注起居梁初周捨裴子野皆

以他官領其職官制與大著作同陳氏為令僕子起家

之選後魏有著作郎佐郎北齊有著作郎佐郎各二人

後周有著作上士二人中士四人掌綴國錄屬春官之

外史隋於祕書省署著作曹著作郎二人佐郎八人煬

帝加佐郎為十二人唐為著作局置著作郎二人佐郎

文獻通考卷五十一職官元

四人開元二十六年亦屬儀書省自宋以後國龍朔二

年改著作郎為司文郎中佐郎為司文郎咸亨初復舊

初著作郎掌修國史及製碑頌之屬分判局事佐郎貳

之徒有撰史之名而實無其任其任盡在史館矣其屬

官有校書郎二人後魏著作省置校書郎北齊著作亦

置校書郎二人隋亦同掌讎校書籍若本局無書兼校

本省典籍

正字二人隋著作曹置正字二人唐減一人掌同校書

宋舊為寄祿官即後為奉議郎佐元豐正名掌修纂日

歷祭祀祝辭則著作郎佐之初除林希為大著豐日歷

所隸祕書省著作郎著作佐郎掌以宰相時政記左右
史起居注所書會集修撰爲一代之典舊於門下省置
編修院專掌國史實錄修纂日歷官制行屬祕書省國
史案國史詳見中書省

太史局令昔少皞以鳥名官其鳳鳥氏爲歷正至顛頊
命南正重以司天北正黎以司地唐虞之際羲氏和氏
紹重黎之後代序天地夏有太史終古者當桀之暴知
其將亡乃執其圖法而奔於殷殷太史高勢見紂之亂
載其圖法出奔於周周官太史掌建邦之六典正歲年
以序事頒告朔於邦國魯昭公二年晉韓宣子聘魯觀書於太史氏見易象與魯春秋

文獻通考

卷五

職官

三

日周盡禮在魯矣又有馮相氏視天文之次序保章氏掌天文

之變當周宣王時太史官失其守而爲司馬氏司馬氏

世典周史惠襄之閒司馬氏適晉周惠王襄王有子頴叔帶之難故司馬氏

奔晉中軍隨會奔秦而司馬氏入梁晉太史屠黍見晉之亂以其圖法歸

周秦爲太史令胡毋敬之爲太史令作博學七章漢武置太史公以司

馬談爲之位丞相上天下計書先上太史副上丞相

談卒其子遷嗣之遷死後宣帝以其官爲令行太史公

文書而已贊曰百官表無太史公茂陵中書司馬談以太史丞爲太史令也張壽王亦爲太史令

後漢太史令掌天時星歷凡歲將終奏新年歷凡國祭

祀喪娶之事掌奏良日及時節禁忌國有瑞應災異則

掌記之

張衡字平子為太史令造渾天儀鑄銅為之

秦漢以來太史之任蓋

併周之太史馮相保章三職自漢晉宋齊並屬太常銅印墨綬進賢一梁冠絳朝服梁陳亦同後魏北齊皆如

晉宋隋曰太史曹置令丞各二人而屬祕書省煬帝又改曹為監有令唐初改監為局置令龍朔二年改太史

局為祕書閣改令為郎中丞為祕書閣郎咸亨初復舊初屬祕書省久視元年改為渾天監不隸麟臺改令為

監置一人其年又改為渾儀監長安二年復為太史局又隸麟臺其監復太史局令置二人景龍二年復改局

為監而令名不易不隸祕書開元二年復改令為監改

文獻通考

卷第

職官

三

一員為少監十四年復為太史局置令二人復隸祕書後又改局為監乾元元年又改其局為司天臺掌天文

歷數風雲氣色有異則密封以奏其次小史有司歷保章正靈臺郎挈壺正等官各有差

丞二人司馬彪續漢志云太史有丞一人魏以下歷代皆同隋置二人煬帝減一人唐初不置丞久視初改為

渾儀監始置丞二人長安二年又省景龍二年復置宋有司天監天文院鐘鼓院元豐正官制以太史局隸

祕書省掌測驗天文考定歷法凡日月星辰風雲氣候祥眚之事日其所占以聞歲頒歷於天下則預造進呈

祭祀冠昏及典禮則選所用日其官有令有正有春官
夏官中官秋官冬官正有丞有直長有靈臺郎有保章
正其判局及同判則選五官正以上業優考深者充保
章正五年直長至令十年一遷爲靈臺郎試中乃遷而
挈壺正無遷法其別局有天文院測驗渾儀刻漏所掌
渾儀臺書夜測驗辰象 鐘鼓院掌文德殿鐘鼓樓刻
漏進牌之事 印歷所掌雕印歷書 算學元豐七年
詔四選命官通算學者許於吏部就試其合格者上等
除博士中次爲學諭元祐元年初議者謂本監雖準朝
旨造算學元未興工其試選學官亦未有應格竊慮徒
有煩費乞罷修建崇寧三年遂將元豐算學條制修成
敕令五年罷算學令附於國子監十一月從薛昂請復
置算學大觀三年太常寺考究以黃帝爲先師自常先
力牧至周朴已上從祀凡七十人四年以算學生併入
太史局宣和二年詔竝罷官吏

文獻通考

卷五十五

職官

三

文獻通考卷第五十七

鄱陽馬端臨貴與著

職官考十一

殿中監 少監 丞 尚食 尚藥 尚衣 尚舍 尚乘 尚輦等局 奉御 直長

魏置殿中監官晉宋竝同齊有內外殿中監各八人梁

陳因之其資品極下後魏亦有殿中監北齊有殿中局

置監四人屬門下省掌駕前奉引隋改為殿內局置監

二人大業三年分門下太僕二司取殿內監名以為殿

內省有監少監丞各一人掌諸供奉領尚食尚藥尚衣

尚食 即 尚舍 即 舊殿 領左右六 閤及諸閤 尚輦等六局 漢儀

舊御府 尚舍 中局 文獻通考 卷五十七

職官

省中有五尚即尚食尚冠尚衣尚帳尚席或曰秦置六尚謂尚冠尚衣尚食尚沐尚席尚書若今殿中之任

每局各置奉御二人以總之置直長以貳之屬門下省

唐改為殿中省加置少監二人丞亦二人其官局職任

一如隋制為一司不屬門下龍朔二年改殿中省為中

御府改監為中御大監少監改丞為中御大夫 改尚食 為奉膳

尚藥為奉醫尚衣為奉冕尚舍為奉展尚乘 為奉駕尚輦為奉輦凡奉御皆改為大夫 咸亨初復

舊

丞隋置一人唐加一人

尚食局奉御始秦置六尚有尚食焉 如淳曰謂掌天子之物曰尚 後

漢以後并其職於太官湯官北齊門下省又有尚食局

置典御二人後周有內膳上士中士凡進食先嘗之隋分屬殿內改典御爲奉御有二人唐因之龍朔二年改爲奉膳大夫咸亨初復舊直長隋置六人唐因之減置五人

尙藥局奉御自梁陳以後皆太醫兼其職北齊門下省有典御二人隋如北齊之制後改爲奉御而屬殿內唐因之龍朔二年改爲奉醫大夫咸亨初復舊直長隋置四人唐因之

尙衣局奉御周官有司服中士掌王之服辨其名物戰國有尙衣尙冠之職秦漢有御府令丞掌供御服而屬文獻通考

卷七

職官

二

少府後漢又掌宦者典官婢作中衣服魏因之晉屬光祿勳江東省宋大明中改尙方曰左右御府各置令丞一人後廢帝初省御府置中署隸右尙方其後又置初宋氏用三品勳位明帝改用二品準南臺御史掌金銀綵帛凡諸造作以供奉及妃主六宮梁陳其職隸在尙方後魏有掌服郎北齊門下省統主衣局都統子統各二人後周有司服上士二人中士二人隋分屬殿內省其後又改爲尙衣局置奉御二人唐因之龍朔三年改爲奉冕大夫咸亨元年復舊直長隋置八人唐因之減

二人

尙舍局奉御周禮有掌舍掌行所解止之處帷幕幄帟之事漢少府屬官有守宮令丞掌宮殿陳設魏殿中監掌帳設監護之事晉宋以下其職並在殿中監隋煬帝置殿內監改殿內局爲尙舍局置奉御二人唐因之龍朔二年改爲奉宸大夫咸亨元年復舊直長隋置八人唐因之而減二人

尙乘局奉御自秦漢以來其職皆在太僕北齊太僕驛

署署有奉御十人管十二閑馬隋煬帝取之置尙乘局

署奉御二人唐因之增置奉御四人龍朔二年改爲奉

駕大夫咸亨元年復舊

尙乘奉御掌六閑馬一曰飛黃閑二曰吉良閑三日龍媒閑四

文獻通考

卷五

職官

三

曰駒駮閑五日駮

閑元中減二人先是別置廄使因隸

焉猶屬殿中

武太后萬歲通天二年置仗內閑廄令殿中丞袁懷哲檢校至聖歷二年改爲少監

閑廄使自後他官相循爲之

直長置隋十四人唐減四人

尙輦奉御周官小司徒中大夫掌六畜車輦又宗伯巾

車下大夫掌王后之五輅輦車組輓有翼羽蓋

古謂人率爲輦

春秋宋萬以乘車輦其母秦始皇乃去其輪而輿之漢代送爲人君之乘

漢魏晉並太僕屬

官車府令掌之東晉省太僕遂隸尙書駕部宋齊梁陳

車府乘黃令丞掌之後魏北齊則乘黃車府令兼掌之

後周則司車輅主之隋又乘黃車府令丞掌之煬帝置

殿內省尙輦局奉御二人唐因之龍朔二年改爲奉輦

大夫咸亨元年復舊直長四人隋置唐因之

宋制殿中省判省事一人以無職事朝官充舊有六尚之局名別而事存今尚食歸御廚尚藥歸醫官院尚衣歸尚衣庫尚舍歸儀鑾司尚乘歸騏驥院內臺轡庫尚輦歸輦院皆不領於本省元豐正官制置監少監丞各一人監掌供奉天子五食醫藥御幄帟輿輦舍次之政令少監爲之貳凡總六局曰尚食掌膳羞之事曰尚藥掌和劑診候之事曰尚醞掌酒醴之事曰尚衣掌衣服冠冕之事曰尚舍掌次舍幄帟之事曰尚輦掌乘輿之事

六尚各有典御二人奉帥六人或四人監門二人或一人又尚食有膳工尚藥有醫師尚醞有酒工尚衣

文獻通考

卷七

職官

四

有衣徒尚舍有幕士尚輦有正供等官皆分隸其局

又置提舉六尚局及管幹官

一員舊殿中省判省事一人以無職事朝官充雖有六尚局名別而事存凡官隨局而移不領於本省所掌唯郊祀元日冬至天子御殿及禘祫后廟神主赴太廟供其繖扇而殿中監視祕書監爲寄祿官而已元豐中神宗欲復建此官而度禁中未有其地但詔御輦院不隸省寺令專達焉初權太府卿林顏因按內藏庫見乘輿服御親行百物中乃乞復殿中省六尚以嚴奉至尊於是徽宗乃出先朝所度殿中省圖命三省行之而其法皆左正言姚祐所裁定歲崇寧二年也三年蔡京上修

成殿中省六尙局供奉庫務敕令格式看詳凡六十卷
仍冠以崇寧爲名政和元年殿中省尙伸上編定六尙
供奉式靖康元年詔六尙局竝依祖宗法又詔六尙局
既罷格內茂貢品物萬數尙爲民害非祖宗舊制其竝
除之

少府監 少監 丞 主簿 中尙左尙右尙 織 染 掌治等署 暴室等丞

少府秦官漢因之是爲九卿掌山海池澤之稅以給供
養應劭曰山海池澤之稅名曰禁錢以給私養自別爲
養藏少者小也故稱少府顏師古曰大司農供軍國之
用少府以養天子也天子曰少府諸侯曰私府漢時官
有司府長掌禁錢後光武改屬司農也王莽曰共工

後漢少府卿一人掌中服御之諸物衣服寶貨珍膳之

文獻通考 卷第 職官 五

屬朝賀則給璧 後漢東平王蒼爲驃騎正月朔朝蒼當
入賀故事少府給璧時陰就爲少府貴

傲不奉法漏將盡而求璧不得蒼掾朱暉遙見少府主
簿持璧乃往給曰試請觀之既得而馳奉之就復以他

璧朝給
徒改反 凡中書謁者尙書令僕侍中常侍黃門御史中

丞以下皆屬焉晉制銀章青綬五時朝服進賢兩梁冠

絳朝服佩水蒼玉哀帝末省併丹陽尹孝武復置宋少

府領左右尙方御府東冶南冶平準等令丞齊又加領

左右銀鍛署梁少府爲夏卿位視尙書左右丞陳因之

後魏少府謂之六卿 以少府宗正太僕廷尉司農鴻臚爲六卿 至孝文太和

中易制官品遂改少府爲太府北齊無少府其尙方等

署皆隸太府至隋煬帝大業五年又分太府爲少府監

置監及少監復領尙方織染等署後又改監少監竝爲
令唐武德初置軍器監廢少府監貞觀元年五月分太
府中尙方織染坊掌冶坊署置少府監龍朔二年改爲
內府監咸亨元年復舊光宅元年改爲尙方監神龍元
年復舊監一人總少監二人通判初少監一人
太極元年加一人領中尙
左尙右尙織染掌冶等五署開元十年五月於北都置
軍器監至二十六年五月
廢

丞漢有六人後漢省五而有一丞其後歷代皆一人山
啟事曰中郎衛昱往
爲少府丞具有損益唐置四人

主簿晉置二人自後歷代一人唐有二人

文獻通考

卷三

職官

六

中尙署周官爲玉府秦置尙方令漢因之後漢掌上手

工作御刀劍玩好器物及寶玉作器

宦者蔡倫爲尙方
令監作祕劍及諸

器械莫不精工
堅密爲後代法

兩漢又有考工令主作兵器其職稍同

考工令作兵器
器成則傳執金吾入武庫及主
織練諸雜工初屬少府中屬主爵
光武時屬太僕漢末

分尙方爲中左右三尙魏晉因之自過江唯置一尙方

哀帝以隸丹陽尹宋武帝踐祚以相府作部配臺謂之

左尙方而本署謂之右尙方竝掌造軍器又以相府細

作配臺卽其名置令一人隸門下孝武大明中改曰御

府

御府二漢已有之
典官婢作藝衣服補
澣之事魏晉猶置其職
江左乃省焉

後廢帝初省

御府置中署隸右尙方則漢之考工令如宋之尙方令

尚方令如宋中署矣齊署左右尚方令各一人梁有中
左右尚方北齊亦有三尚方隸太府隋煬帝分隸少府

唐省方字有中左右三尚署令丞各一人

中署掌宮內營造雜作左

署掌車輦織扇膠漆畫鏤等作右署掌皮毛膠墨雜作席薦等事開元以後別置中尚使以監之

織染署令一人周禮天官典絲掌受文織綵組焉染人

掌染線帛秦置平準令

韋昭釋名曰平準令主染色染有均平之法故準而則之漢

因之及主物價練染初少府屬官有東織西織成帝省

東織更名西織為織室北齊中尚方領涇州雍州絲局

定州紬綾局丞後周有司織下大夫隋有司織司染二

署煬帝合為織染一署令掌織絰組綬綾錦冠幘并染

文獻通考

卷七

職官

七

色等唐因之有令丞

掌冶署秦及漢郡國有鐵官

諸郡國出鐵者署鐵官長丞

晉冶令掌

工徒鼓鑄隸衛尉江左以來省衛尉始隸少府宋有東

冶南冶各置令丞

東冶令丞各一人南冶令丞各一人

而屬少府齊因之

江南諸郡縣有鐵者或置冶令或置冶丞多是吳所置

梁陳有東西冶

東冶重西冶輕其西治卽宋齊之南冶

北齊諸冶屬太府

後周有冶工鐵工中士隋有掌冶署令丞唐於京師置

冶署有令丞各一人掌造鑄金銀銅鐵塗飾琉璃玉作

等事

暴室丞

後漢暴室丞宦者也主中婦人病疾者就此室理之其皇后貴人有罪亦就此室屬少府其後

無海丞漢平帝置少府海丞一人掌海稅後無果丞與海丞同置掌諸果實後無

宋少府監判監事一人以朝官充凡天子器玩后妃服

飾雕文錯彩工巧之事分隸於文思院後苑造作所本

監但掌造門戟神衣旌節郊廟諸壇祭玉法物鑄牌印

朱記百官拜表案褥之事諸州鑄錢監並屬少府監官

各一人以京朝官及三班使臣充元豐正官制置監少

監丞主簿各一人掌百工技巧之政令所隸官屬五

文思院掌造金銀犀玉工巧之物金綵繪素裝鈿之飾

以供輿輦冊寶法物及凡器服之用監官文臣一員武

臣二員 綾錦院掌織紵錦繡以供乘輿及凡服飾之

文獻通考 卷三 職官 八

用監官三人以京朝官諸司使副及內侍充 染院掌

染絲帛幣帛監官二人以京朝官及內侍充 裁造院

掌裁造服飾監官二人以京朝官及內侍充 文繡院

掌纂繡以供乘輿服御及賓客祭祀之用建炎初以將

作少府監併歸工部紹興三年復置將作監少府事總

焉寄祿官少府監後為中散大夫

將作監 少監 丞 主簿 左校 右校 職官 中校等署 東園主章令

今將作亦少皞氏以五雉為五工止以利器用雉有五種故曰

五 唐虞共工周官考工之官蓋其職也秦有將作少府

掌治宮室漢景帝中元六年更名將作大匠後漢位次

河南尹中元二年省以謁者領之章帝建初元年復置
初以任隗爲之掌修作宗廟路寢宮室陵園木土之功
并樹桐梓之類列於道側後漢志注曰古列樹以表道魏晉因之江

左至宋齊皆有事則置無事則省而梁改爲大匠卿陳
因之後魏亦有之北齊有將作寺其官曰大匠兼領功曹主簿

長史司馬等官屬後周有匠師中大夫掌城郭宮室之制又有

司木中大夫掌木工之政令隋與北齊同至開皇二十

年改寺爲監大匠爲大監初加置副監煬帝改大監少

監爲大匠少匠五年又改爲大監少監十三年又改大

匠少令唐復皆爲匠龍朔二年改將作爲繕工監大匠少匠

文獻通考卷五十一 職官 九

隨監名改咸亨元年復舊光宅元年改爲營繕監神龍元年

後舊大匠一人總判一人太極元年加置一人天寶中

改大匠爲大監少匠爲少監領左校右校甄官中校四

署

丞漢有二人後漢一人魏晉因之東晉以後有事則置

無事則省梁又置一人陳因之後魏有之北齊四人後

周有匠師中士隋二人唐四人

主簿晉置自後與丞同隋二人唐因之

左右校署秦及漢初有左右前後中五校令後唯置左

右校令後漢因之掌左右工徒魏併左校右校於材官

晉左右校屬少府宋以後並有左校令丞北齊亦有之

隋左右校令丞屬將作唐因之左校署令丞二人掌營

作采材右校署令丞二人掌營土作瓦泥并燒石灰厠溷等事

甄官署令丞一人後漢有前後中甄官令屬將作晉有

甄官署掌甄瓦之事宋齊北齊隋悉有之唐因之掌營

甄石瓷瓦

中校署令秦漢有自後無唐置令丞各一人掌舟車雜

兵仗庶牧

東園主章令漢有之武帝更名木工如淳曰章謂木材也舊將作大匠主

材史名章曹掾顏思古曰今所謂木鐘者蓋聲之轉耳東園主章掌材以供東園匠東園匠官名主作陵內器

文獻通考卷第職官十

物屬唐無少府

宋將作監判監事一人以朝官以上充凡土木匠工之

政隸三司修造案本監但掌祠祀供省牲牌鎮石炷香

焚版幣之事元豐正官名置監少監各一人丞主簿各

一人掌官室城郭舟車營繕之事凡出納籍帳歲受而

會之上於工部所隸官屬十 修內司掌宮城太廟繕

修之事監官二人以朝官及內侍充 東西八作司掌

京城內外繕修之事旬當官各三人以京朝官諸司使

副充 竹木務掌受諸路水運材植抽算商販竹以經

營造旬當官一人以京朝官充 事材場掌計度財物

前期樸斲以經營造監官二人以京朝官三班使臣充
麥稍場掌受京畿諸縣夏租稍以給朽塹監官一人
以三班使臣充 窯務掌陶土爲甗瓦以給繕營及瓶
缶之用監官三人諸司使副充 丹粉所掌燒變丹粉
以供繪飾監官一人內侍充 作坊物料庫掌儲積財
物以備給用監官三人以京朝官及內侍三班使臣充
退材場掌受京城內外退棄材木掄其長短曲直中

度者以給營造及薪爨監官一人以京朝官充 箔場
掌抽算竹木以供簾箔之用監官二人以京朝官充建

炎初與少府俱併歸工部紹興三年置將作監少府事

文獻通考

卷五七

職官

十一

總焉隆興初宮室無所營繕職務簡省百工器用屬之
文思院上下界隸工部本監惟置丞一員餘官虛而不
除乾道以後人才盛多監少丞簿無闕凡臺省久次與
郡邑之有聲者悉借徑於此號爲儲才之地而營繕之
事多俾府尹畿漕分任其責

寄祿官將作監丞後爲宣
議郎主簿後爲承務郎

國子監

祭酒 司業
助教 太學

丞 主簿 國子博士

律學 書

學 算學等博士 武學宗學附

孫卿在齊爲三老稱祭酒

胡廣曰凡官名祭酒皆一位
之元長古者賓得主人饌則

老者一人舉酒以祭地故以祭酒爲稱漢之侍中魏之
散騎常侍功高者並爲祭酒用其義也公府有祭酒亦

因其名 漢吳王濞年老不朝爲劉氏祭酒則祭酒之名久

矣王莽以安車駟馬迎夏侯勝又漢置博士至東京凡

十四人而聰明有威重者一人為祭酒謂之博士祭酒

蓋本曰僕射中興轉為祭酒魏因之晉武帝咸寧四年

初立國子學置國子祭酒一人永嘉中又置儒林祭酒以杜夷為之國子

周之舊名周官有師氏之職即魏國子祭酒周禮師氏以三德三

行教國子又有保氏而養晉介犢阜朝服進賢兩梁冠

國子以道教之六藝也

佩水蒼玉舊視侍中列曹尚書劉毅嵇紹並為此官又袁瑰字山甫為國子祭

酒時屢經喪亂禮教陵遲魏上疏求立學徒帝從之國學之興自魏始也又裴頠為祭酒時奏立太學起講堂

策門刻石以宋代不置學則助教唯置一人而祭酒博

士常置也明帝太始六年以國學廢初置總明觀祭酒

文獻通考

卷第

職官

三

一人有元儒文史四科科置學士各十人齊高帝建元

四年有司奏置國學祭酒準諸曹尚書博士準中書郎

助教準南臺御史選經學為先若其人難備給事中以

還明經者以本位領其後國諱廢學永明三年立學尚

書令王儉領祭酒學既建乃省總明觀八年國子博士

何允單為祭酒疑所服陸澄等皆不能據遂以元服臨

試月餘日博議定乃服朱衣齊梁號為國師陳後魏亦

曰國子祭酒其初定中原先立太學置五經博士北齊

國子寺有祭酒一人隋開皇十三年國子寺罷隸太常

凡國學諸官自漢已下又改寺為學仁壽元年罷國子

並屬太常至隋始革之又改寺為學仁壽元年罷國子

學唯立太學一所省國子祭酒博士置太學博士總知
學事煬帝卽位改國子學爲國子監依舊置祭酒唐因
之龍朔元年東都亦置龍朔二年改爲司成館又改祭
酒爲大司成咸亨初復舊光宅元年改國子監爲成均
監神龍元年復舊領國子學學生三百人太學學生五百人四門
學學生五百人律學學生五十人書學學生三十人算學學生三十人
儒士八百人生徒二千二百一十人每學各置博士以總學事及有
助教等員天寶九載又於國子監置廣文館領學生爲
進士業者置博士助教各置祭酒一人掌監學之政皇

太子受業則執經講說皆以儒學優重者爲之天寶九
載置廣文館學生進士

文獻通考

卷七

職官

三

國子司業煬帝大業三年於國子監初置司業一人禮
曰樂正司業父師司成因以爲名唐置二人副貳祭酒
通判監事龍朔二年改爲少司成咸亨初復舊凡祭酒
司業皆儒重之官非其人不居
丞隋置三人唐一人

主簿北齊置隋一人唐因之

宋國子監判監事二人以兩制或帶職朝官充凡監事
皆總之直講八人以京官選人充掌以經術教授諸生
丞一人以京朝官或選人充掌錢穀出納之事主簿一
人以京官或選人充掌文簿以句考其出納監生無定

員元豐正官名置祭酒司業丞簿各一人太學博士十
人舊繫人直講正錄各五人武學博士二人律學博士正名一

人祭酒掌國子太學武學律學小學之政令司業為之

貳丞參預監事凡諸生之隸於太學者立三舍法見學校門

崇寧立辟廡置大司成一為師儒之首總辟廡太學

之政令位諸曹侍郎上宣和罷中興初併國子監歸禮

部紹興三年置國子監十二年置祭酒十三年始復建

太學隆興併省司業不與祭酒並除乾道七年乃並除

如故

國子博士班固云按六朝時往往有博士掌通古今日

文獻通考

卷五

職官

五

博士秦官漢博士多至數十人冠兩梁文帝時博士朝服元端章甫冠

武帝建元五年初置五經博士宣帝成帝之代五經家

法稍增置博士一人博士選有三科高第為尚書次為

刺史其不通政事以久次補諸侯太傅於時孔光為博

士數使錄冤獄行風俗以高第為尚書叔孫通為博士初制漢禮又賈

誼年二十餘文帝召為博士年最少每有詔議後漢博

下諸老生未能言誼盡為對之人人各如其意士凡十四人易施孟梁京邱氏尚書歐陽大小夏侯詩

華嶠漢書曰初欲立左氏傳博士范昇以為左氏淺未

不宜立陳元聞之乃詣闕上疏爭之更相辯對凡十餘上帝卒立掌以五經教子弟國有疑事掌丞問對舊時

從議郎為博士其通獻異藝入平尚書出部刺史諸侯

守相久次轉諫議大夫中興高第爲侍中小郡若都尉

博士限年五十其督郵版狀曰生事愛敬喪沒知禮理易尚書孝經論語兼崇載籍窮微闡奧

師事某官經明受謝見授門徒尚五十人以上正席謝

坐三郡二人隱居樂道不求聞達身無金瘡痼疾三十

六屬不與妖惡交通王侯賜賞行應四科經任

博士下言某官某甲保舉順帝諱保故稱守安帝以

博士多非其人詔命三公將軍中二千石舉博士各一

人務得經明行高卓爾茂異是時羣僚承風凡所旌賞

綽有餘裕後旋復故遂用陵遲初平帝元始四年改博

士爲博士師後漢兼而存之竝擇儒者桓榮魯恭戴憑等竝爲博士

魏及西晉朝博士置十九人武帝咸寧四年初立國子

學置國子博士一人皆取履行精淳通明典義若散騎

文獻通考卷五職官五

常侍中書侍郎太子中庶子以上乃得召試元帝時荀崧上疏曰

昔咸寧太康永嘉之中侍中常侍黃門通治古今行爲世表者領國子博士宋齊諸博士皆

早朝服進賢兩梁冠佩水蒼玉梁國學有博士二人天

監四年置五經博士各一人魏晉宋齊竝不置五經博士至此始置焉舊國

子學生限以貴賤武帝欲招來後進五館生皆引寒門

雋才不限人數陳因之後魏北齊竝有之隋仁壽元年

省國子博士大業三年復置一人唐增置二人龍朔二

年改爲司成宣業咸亨初復舊諸州府亦有經學博士

一人助教晉咸寧四年初立國子學置助教十五人以教生

徒江左及宋竝十人

宋制易尚書毛詩禮記周禮儀禮左傳公羊穀梁各爲一經論語孝

經爲一經合十經助教分掌

宋齊竝同梁國子助教舊視南臺御史

品服與博士同陳因之後魏亦有北齊置十人隋置四

人唐國子學助教三人諸府州縣各有助教職員

府州二人

縣一人學生各有差

太學博士晉江左增置國子博士十六人謂之太學博

士品服同國子博士梁置太學博士八人陳因之後魏

亦然北齊國子寺有太學博士十人後周置太學博士

下大夫六人隋初置太學博士五人仁壽元年罷國子

唯立太學置博士五人大業三年減置二人唐因之助

文獻通考

卷七

職官

六

教後魏置北齊亦有之置二十人後周曰太學助教上

士隋又曰太學助教五人大業三年減三人唐因之

廣文館博士一人助教一人竝以文士爲之唐天寶九

載置

四門博士後魏書劉芳表云大和二十年立四門博士

於四門置學按禮記曰天子設四學鄭元注曰四郊之

虞庠也今以其遼遠故置於四門請移與太學同處從

之北齊二十人隋五人唐三人助教北齊國子寺有二

十人隋初則五人唐因之直講四人唐初置無員數長

安四年始定爲四員大成二十人唐置取貢舉及第人

簡聰明者試書日誦得一千言并日試策所習業等十條通七然後補充仍散官祿俸賜會同直官例給武太后長安中省而置直講定爲四員

律學博士晉置屬廷尉衛覲奏請律學博士轉相教授東晉以下因之梁曰胄子律博士屬廷尉陳亦有律博士後魏北齊並有之隋大理寺官屬有律博士八人唐因之而置一人移屬國學助教一人位從九品上

書學博士唐置三人又置典學二人

算學博士唐置二人又置典學二人

宋國子監無博士有直講八人熙寧改爲太學博士元

文獻通考

卷七

職官

七

豐定制亦無國子博士大觀元年乃置國子博士四員國子正錄二員與太學官分掌教導中興後置國子博士二員 太學博士元豐改直講爲之紹聖元年令太

學博士正錄令國子監長貳薦舉召試而後除紹興十二年置太學博士三員 國子正錄大觀初置掌行學規糾不如規者罰之紹興十三年詔正錄各置一員

太學正錄仁宗朝胡瑗掌太學其正錄第補諸生熙寧末興三舍始選官爲正錄如學官之制正錄各五人掌行學規不如規者糾罰之元祐三年罷命官正錄以上舍內舍充後復置命官學正二員紹聖悉如元豐舊制

紹興十二年復各置一員 書庫官淳化五年判國子
學李志言監中印書亦主掌錢物凡有公文其所司止
以印書錢物所爲名稍爲近俗今乞改爲國子監書庫
官從之書庫監官以京朝官充掌印經史羣書以備朝
廷宣索賜予之用及出鬻而收其直以上於官元豐三
年省中興後併國子監入禮部紹興十三年乃復置一
員三十一年罷龍興初詔主庫兼書庫乾道七年復置
一員

武學唐開元閒始置太公尙父廟以畱侯張良配中春
中秋上戊祭之牲樂如文宣王仍以古名將十人爲十
文獻通考 卷五 職官 六
哲配享貞元元年尊太公爲武成王詔考定可配享者
列古今名將六十四人圖形焉

宋慶歷三年詔置武學於武成王廟以阮逸爲教授八
月罷武學以議者言古名將如諸葛亮羊祜杜預等豈
專學孫吳故也熙寧五年樞密院言古者出師受成於
學文武弛張其道一也乞復置武學詔於武成王廟置
學紹興十六年詔修建武學武博士諭嘗以兵書弓馬
武藝誘誨學者元豐官制行以博士代教授紹興二十
六年詔武學博士學諭各置一員內博士於文臣有出
身或武舉出身曾預高選充其學諭差武學人後又除

文臣之有出身者

宗學漢平帝詔朕惟宗室皆高帝子孫令置宗師以糾教之明章二帝友愛子弟幼者率留京師訓導以禮唐高宗詔宗室子孫就祕書外省別爲小學

宋元豐六年宗室令鑠乞建宗學詔從之既而中輟建中靖國元年復置崇寧初立月書季考法南渡初建學嘉定更新置四齋後再增三齋宗學博士舊諸王宮大小學教授也至道元年太宗將爲皇姪等置師傅執政謂環衛之官親王比當有降乃以教授爲名咸平初遂命諸王府官分兼南北宅教授南宮者太祖太宗諸王文獻通考卷五職官充之子孫處之所謂睦親宅也崇寧五年又改稱某王宮宗子博士位國子博士之上靖康之亂宗學遂廢紹興四年始復置諸王宮大小學教授二員隆興省其一嘉定九年十二月始復置宗學改教授爲博士又置宗學諭一員竝隸宗正寺在太常博士之下諭在國子正之上俸給賞典依國子博士及正體例於是宗室疏遠者皆得就學而彬彬可觀矣旋有旨復存諸王宮大小學教授一員

軍器監

丞

主簿

甲坊署

警坊署

後周武帝四年初置軍器監唐武德初置軍器監貞觀

元年罷軍器大監置少監後省之以其地隸少府監爲甲弩坊開元初復以其地置軍器使至三年以使爲監更置少監一員丞二員主簿一員錄事一員及弩坊等署十一年悉罷之復隸少府爲甲弩坊十六年移其名於北都置軍器監亦嘗以太原尹兼領之天寶六載復於舊所置軍器監監一人領甲坊弩坊兩署丞主簿各一人唐置

甲坊署令丞周禮考工記曰函人爲甲隋少府有甲鎧署唐改焉

弩坊署令丞周禮司弓矢掌四弩隋有弓弩署唐改焉

文獻通考

卷七

職官

十

宋軍器初領於三司胄案官無專職熙寧六年廢胄案乃按唐令置監擇從官總叛元豐正名分案五所隸官屬四東西作坊掌造兵器旗幟戎帳行物辨其名地監官二人以京朝官及三班使臣充作坊物料庫掌收鐵錫羽箭油漆之類皮角場掌收皮革筋骨以供作坊之用置官與東西作坊同建炎併歸工部紹興復置長貳各一員隆興初詔軍器所已隸工部本監惟置丞一

員乾道後置監少監及簿淳熙初詔戎器非進入毋輒出所由是呈驗浸省嘉定以後事最稀簡特爲儲才之所

都水使者

丞

主簿

舟楫署

河渠署

虞舜命益作虞以掌山澤周官有林衡川衡二官掌林

麓川澤之禁漢武帝元鼎二年初置水衡都尉顏師古曰山林

之官曰衡掌諸池苑故稱水衡張晏曰主都水及林苑故曰水衡主諸官故曰都有卒徒武事故曰尉衡平也

主平其掌漢趙充國以中郎為上林苑水衡都尉主船官也蓋主上林離宮

燕休之處王莽改曰予虞後漢光武省之併其職於少府每立

秋獵劉之日輒暫置水衡都尉龜劉將祭大獵之名龜赦俱反專訖省

初秦漢又有都水長丞主陂池灌溉保守河渠自太常

少府及三輔等皆有其官漢武帝以都水官多乃置左

右使者以領之劉向為左都水使者是也又續漢百官志曰劉向領三輔都水至漢哀

文獻通考卷五十一職官主

帝省使者官至東京凡都水皆罷之併置河隄謁者漢

之水衡都尉本主上林苑魏世主天下水軍舟船器械

晉武帝省水衡置都水臺有使者一人掌舟航及運部

而河隄為都水官屬元康中復有水衡都尉元康百官名及晉起

居注曰陳慎戴熊俱以懷帝永嘉六年胡賊入洛陽都

水使者奚濬先出督運得免江左省河隄諸公贊曰陳

巧思為都水使者洛陽宋都水使者銅印墨綬進賢兩

梁冠與御史中丞同孝武帝初省都水臺罷都水使者

置水衡令孝建元年復置齊有都水臺使者一人梁初

與齊同天監七年改都水使者為大舟卿位視中書郎

列卿之最末者主舟航河隄陳因之後魏初皆有水衡
都尉及河隄謁者都水使者官至永平二年都水臺依
舊置二使者北齊亦置二使者隋開皇二年廢都水臺
入司農十三年復置仁壽元年改臺爲監更名使者亦
爲監煬帝又改爲使者尋又爲監加置少監又改監及
少監竝爲令領舟楫河渠二署唐武德八年置都水臺
後復爲都水署置令隸將作貞觀中復爲都水監置使
者龍朔二年改都水使者爲司津監丞咸亨元年復舊
光宅元年改都水監爲水衡置都尉神龍元年復爲都
水監置使者二人分總其事不屬將作領舟楫河渠二
署

文獻通考

卷七

職官

三

丞漢有水衡丞五人亦有都水丞後漢晉初都水使者
有參軍二人蓋亦丞之職任宋因之梁大舟卿有丞陳
因之後魏北齊又曰參軍隋曰都水丞唐二人
主簿晉水衡都尉有之爲左右前後中五水衡令悉皆
有之梁大舟卿亦有之至隋又置唐因之

舟楫署令漢主爵中尉屬官有都船令丞水衡都尉有
楫權令丞晉曰船曹吏齊曰官船典軍後周曰舟中士
隋爲舟楫署令丞唐因之令丞各一人

河渠署隋煬帝置令丞各一人唐因之

宋都水監判監事一人以員外郎以上充同判監一人以朝官以上充丞二人主簿一人並以京朝官充掌內外河渠隄堰之事

舊例三司河渠案嘉祐三年始專置監以領之

輪遣丞一人

出外治河埽之事或一歲再歲而罷其閒有諳知水政或至三年者置局於澶州號曰外監寺司押司官一人元豐八年詔提舉汴河隄岸司隸本監先是導洛入汴專置隄岸司至是歸之都水司元祐時詔南北外都水丞竝以三年爲任七年方議回河流乃詔河北京西漕臣及開封府界提點各兼南北外都水事宣和三年詔罷南北外都水丞司依元豐法通差文武官一員四年文獻通考

卷五

職官

三

臣僚言都水監因恩州修河舉辟文武官至百二十餘員授牒家居不省所領何事皆乘傳給券第功希賞詔除正官十一員外餘竝罷所隸有東西四排岸司監官各以京朝官閤門祇候以上及三班使臣充掌水運綱船輸納顧直之事汴河上下鎖蔡河上下鎖各監官一人以三班使臣充掌算舟船木筏之事天下堰總二十一監官各一人渡總六十五監官各一人皆以京朝官三班使臣充亦有以本處監當兼掌者

內侍省

內侍

內常侍

內給事

內調者監

內僕局

內寺伯

掖庭局

宮闈局

奚官局

天文有宦者四星在帝座之西周官有宮正宮伯皆主

中官宮人掌王之內宰理王內之政令閹人掌守寺人王宮

掌王之內戰國時有宦者令趙有宦者秦少府屬官有

中書謁者令丞又有將行衛尉少府各一人並皇後卿漢景

帝中元六年改將行為大長秋顏師古曰秋者收成之時長者恆久之義故以

為皇后官名或用中人或用士人中人成帝加置太僕一人

掌太后輿馬通謂之皇太后卿皆隨太后宮為宮號在

正卿上無太后則闕衛尉在衛尉上少府在少府上之類是也又有長信詹

事掌皇太后宮景帝六年更名長信少府平帝元年更

名長樂少府帝祖母稱長信宮帝母稱長樂宮故有長

信少府長樂少府職如長秋位在長秋上及職吏皆宦

者也後漢常用宦者職掌奉宣中宮命凡給賜族親當

謁見者關通之中宮出則從屬官有丞中宮僕謁者私

府署令初秦又置中常待官參用士人皆銀璫左貂給

事殿省漢制置侍中中常待各一人省尚書事黃門侍

郎一人傳發書奏皆用姓族後漢中常侍贊導內事顧

問應對永平中始定員數中常侍四人漢舊儀曰秩千石得出入臥內

舉法省中省中即禁中也成帝外小黃門十人自明帝

以後員數稍增改以金璫右貂兼領卿署之職自和熹

太后以女主稱制不接公卿乃以閹人為常侍小黃門

文獻通考 卷七 職官 五

通命兩宮自此以來悉用闈人不調他士自安迄桓權任尤重手幄王爵口含天憲桓帝既與宦官謀誅梁冀

乃封宦者五人單超徐璜貝瑗左瑄唐衡也同日為侯皆食邑故世

號五侯焉楊秉為太尉奏請免中常侍侯覽貝瑗等官尚書召對秉掾屬曰公府外職而劾近官經

典漢制有故事否秉使對曰春秋趙鞅以晉陽之甲逐君側之惡又傳曰除君之惡唯力是視鄧通戲慢申屠

嘉召責文帝許之漢制故事三公之職無所不統帝不得已遂免覽官削瑗國及哀紹大誅宦

者之後永巷掖庭復用士人閭闈出入莫有禁切侍中

侍郎門部驩宰中外雜錯醜聲彰聞魏改漢制太后三

卿在九卿下晉復舊在同號卿上有后則置無后則闕

齊鬱林王立文安太后即尊號以宮名置宣德衛尉少

文獻通考卷五十一職官五十一

府太僕梁有弘訓太后亦置屬官陳亦有太后三卿後

魏大長秋掌顧問應對自文明馮后闈官用事大者令

僕小者卿守宦者趙黑為選曹尚書北齊有中侍中省置中侍中

二人中常侍四人掌出入閣門又有長秋寺置卿中尹

各一人掌諸宮閣領掖庭等令竝用宦者後周有司內

上士小司內中士巷伯中士等官隋日內侍省領內侍

內常侍等官內侍即舊長秋內常侍即舊中常侍煬帝改內侍省為長秋

監置令一人少令一人丞二人竝用士人餘用宦者領

掖庭宮闈奚官三署亦參用士人唐武德初改為內侍

省皆用宦者龍朔二年改為內侍監咸亨元年復舊光

宅元年改爲司宮臺神龍元年復舊有內侍四人宮內

供奉中宮駕出則夾引總判局事舊二人開元中加二人七年三月敕內侍五品以上許養一子仍以同姓者初養日不內常侍六人通判屬官有內給事八人內謁

者監六人內寺伯二人寺人六人領掖庭宮闈奚官內僕內府等五局神龍元年後始以中使出監諸軍兵馬寶應元年五月敕諸道州所承上命須

憑正敕可施行不得懸便信中使宣敕卽遵行

內給事周禮內小臣之職掌王后之命后出入前驅後漢少府有給事黃門常侍左右止在內宮門通中外及中宮已下衆事自魏晉至於梁陳無其職後魏有中給事中後改爲中給事北齊中侍中省有中給事中四人

文獻通考

卷五

職官

五

煬帝改爲內承直唐復爲內給事置八人

內謁者後漢大長秋屬官有中宮謁者二人主報中章後魏北齊有中謁者僕射隋內侍省有內謁者監六人內謁者十二人唐因之

內寺伯周禮寺人掌王之內人及女宮之戒令隋內侍省有內寺伯二人唐因之

掖庭局令秦置永巷漢武更名掖庭置令掌宮人簿帳公桑養蠶及女工等事後漢掖庭令掌後宮貴人采女又有永巷令典官婢皆宦者竝屬少府唐置二人

宮闈局令二人隋置令掌宮內門閤之禁及出納神主

并內給使名帳糧廩事唐因之

奚官令局二人齊梁陳隋有奚官署令掌守宮人使藥疾病罪罰喪葬等事唐置二人

內僕局令二人後漢有中宮僕令掌車輿雜畜及導等唐置二人

內府局令二人漢有內者局令隋曰內者唐爲內府置令二人掌內庫出納帳設澡沐等

范曄史論曰宦人之在王朝者其來舊矣將以其體非全氣情志專良通關中人易以役養乎然而

後世因之才任稍廣其能者則勃貂管蘇有功於

文獻通考

卷三

職官

七

楚晉景監繆賢著庸於秦趙及其敝也則豎刁亂齊伊戾禍宋漢興仍襲秦制置中常侍官然亦引用士人以參其選皆銀璫左貂給事殿省又高后稱制乃以張卿爲大謁者出入臥內受宣詔命文帝時有趙談北宮伯子頗見親幸至於孝武亦愛李延年帝數宴後庭或潛游離館故請奏機事多以宦人主之至元帝之世史游爲黃門令勤心納忠有所補益其後弘恭石顯以佞險自進卒有蕭周之禍損穢帝德焉中興之初內官悉用閩人不復雜調他士至永平中始置員數中常侍四人小

黃門十人和帝卽祚幼弱而竇憲兄弟專總權威
內外臣僚莫由親接所與居者唯閹宦而已故鄭
衆得專謀禁中終除大憝遂享分土之封超登宮
卿之位於是中官始盛焉自明帝以後迄乎延平
委用漸大而其員稍增中常侍至有十人小黃門
二十人改以金璫右貂兼領卿署之職鄧后以女
主臨政而萬機殷遠朝臣國議無由參斷惟幄稱
制下令不出房闈之間不得不委用刑人寄之國
命手握王爵口含天憲非復掖庭永巷之職閨牖

房闈之任也其後孫程定立順之功曹騰參建桓

文獻通考

卷五

職官

三

之策續以五侯合謀梁冀受鉞迹因公正恩固主
心故中外服從上下屏氣或稱伊霍之勳無謝於
往載或謂良平之畫復興於當今雖時亦忠公而
竟見排斥舉動回山海呼吸變霜露阿旨曲求則
光寵三族直情忤意則慘夷五宗漢之紀綱大亂
矣若夫高冠長劍紆朱懷金者布滿宮闈苴茅分
虎南面臣人者蓋以十數府署第館綦列於都鄙
子弟支附過半於州國南金和寶冰紈霧縠之積
盈仞珍藏嬖媵侍兒歌童舞女之玩充備綺室狗
馬飾雕文土木被緹繡皆剝割氓黎競恣奢欲構

害明賢專樹黨類其有更相援引希附權強者皆腐身熏子以自銜達同弊相濟故其徒有繁敗國蠹政之事不可覃書所以海內嗟毒志士窮栖寇劇緣閒搖亂區夏雖忠良懷憤時或奮發而言出禍從旋見孥戮因復大考鉤黨轉相誣染凡稱善士莫不離被災毒竇武何進位崇戚近乘九服之囂怨協羣英之勢力而以疑雷不斷至於殄敗斯亦運之極乎雖袁紹龔行芟夷無餘然以暴易亂亦何云及自曹騰說梁冀竟立昏弱魏武因之遂遷龜鼎所謂君以此始必以此終信乎其然矣

文獻通考

卷五

職官

五

宋祁史論曰太宗詔內侍省不立三品官以內侍爲之長階第四不任以事惟門閤守禦廷內掃除稟食而已武后時稍增其人至中宗黃衣乃二千員七品以上員外置千員然衣朱紫者尙少元宗承平財用富足志大事奢不愛惜賞賜爵位開元天寶中宮嬪大率至四萬宦官黃衣以上三千員衣朱紫千餘人其稱旨者輒拜三品將軍列戟於門其在殿頭供奉委任華重持節傳命光燭殷殷動四方所至郡縣奔走獻遺至萬計修功德市禽鳥一爲之使猶且數千緡監軍持權節度反出其

下於是甲舍名園上便之田爲中人所占者半京畿矣肅代庸弱倚爲扞衛故輔國以尙父顯元振以援立奮朝恩以軍密重然猶未得常主兵也德宗懲艾泄賊故以左右神策天威等軍委宦者主之置護軍中尉中護軍分提禁兵是以庶柄下遷政在宦人舉手伸縮便有輕重至標士奇材則奏以爲子巨鎮強藩則爭出我門小人之情猥險無顧籍又日久侍天子狎則無威習則不疑故昏君蔽於所暱英主禍生所忽元宗以遷崩憲敬以弑殞文以憂債至昭而天下亡矣禍始開元極於天祐凶愎參會黨類殲滅王室從而潰衰譬猶灼火攻蠹蠹盡木焚詎不哀哉跡其殘氣不剛柔情易褻褻則無上怖則生怨借之權則專爲禍則迫而近緩相攻急相一此小人常勢也噫梟狐不神天與之昏末如亂何故取中葉以來宦人之大者萃之篇

右古今宦者之禍無如漢唐之季年范宋二史傳論特爲明暢故備載之然夷考其磐固猖獗之由則有自來矣蓋將相者天下大權之所自出也漢中葉以後以中書爲政本而中書令管機密屬之

貂璫是宦者得以竊相之柄也故陳蕃竇武何進之徒一有規畫奏啓卽爲所窺先發制人禍不旋踵而國祚隨之唐中葉以後倚兵戎定禍亂而觀軍容監軍屬之貂璫是宦者得以竊將之權也故勳德如李郭則俛首受節制而不免失律跋扈如李茂貞朱全忠則稱兵內侮而遂以移祚矣兵刑者人主威柄之所自出也漢自桓靈以來有黃門北寺獄是宦者得以專刑也故窮捕鉤黨勦戮名士皆黃門北寺獄之所爲也唐自德代以來有兩軍中尉是宦者得以專兵也故易置人主誅夷大

文獻通考

卷七

職官

三

臣皆兩軍中尉之所爲也蓋將相之任彼得以據之兵刑之司彼得以專之而又地近情親根連株固故雖有英特之君賢智之臣終不能以一朝而去腹心之病亦由積漸之久故也然桓靈昏主又從而崇弊之故權悉下移而漢之亡遂亟文武宣賢君雖不能抑制之然政自己出故唐之亡少紓云

宋初有內中高品班院淳化五年改入內內班院又改入內黃門班院又改內侍省入內內侍班院景德三年其東門取索司可併隸內東門司餘入內都知司內東

門都知司內侍省入內內侍班院可立爲入內內侍省
以諸司隸之國初有內班院淳化五年八月改內班爲
黃門九月改黃門爲內侍省入內內侍省與內侍省號
爲前後省而入內省比前省尤爲親近通侍禁中役服
褻近者隸入內內侍省供侍殿中備灑掃之職役使雜
品者隸內侍省

職略云入內內侍省號北司
內侍省號南班與志不同

入內內侍

省有都都知都知副都知押班內東頭供奉官內西頭
供奉官內侍殿頭內侍高品內侍高班內侍黃門內侍
省有左班都知副都知右班都知副都知押班內東頭
供奉官內西頭供奉官內侍殿頭內侍高品內侍高班

文獻通考

卷第

職官

三

內侍黃門自供奉官至黃門以一百八十人爲定員凡
內侍初補曰小黃門經恩遷補則爲內侍黃門後省官
闕則以前省官補押班次遷副都知次遷都都知遂爲
內臣之極品熙寧中入內內侍省內侍省都知押班逐
省各以轉入先後相歷永爲定式其官稱則有內客省
使延福宮使宣政使宣慶使昭宣使國初所置

職略云
太祖以

內客省使換樞密以延福宮使換宣徽其旨遠哉由都
知延福使以下至寄資諸司副使者卽依外官蔭補之

法元豐議改官制張誠一欲易都知押班之名置殿中

監以易內侍省旣而宰執進呈神宗曰祖宗爲此名有

深意豈可輕議

四朝志王定
國見聞錄

政和二年始遂改焉以通

侍大夫易內客省使正侍大夫易延福宮使中侍大夫
易景福殿使中亮大夫易宣慶使中衛大夫易宣政使
拱衛大夫易招宣使供奉官易內東頭供奉官左侍禁
易內西頭供奉官右侍禁易內侍殿頭左班殿直易內
侍高品右班殿直易內侍高班而黃門之名如故其屬
有御藥院句當官四人以入內內侍省充掌按驗方書
修合藥劑以待進御及供奉禁中之用內東門司句當
官四人以入內內侍省充掌宮禁人物出入周知其名
數而譏察之合同憑由司監官二人掌禁中宣索之物
給其要驗凡特旨賜予皆具名數憑由付有司準給管
文獻通考

卷五

職官

三

句往來國信所管句官二人以都知押班充掌契丹使
介交聘之事後苑句當官無定員以內侍充掌苑圃池
沼臺殿種藝雅飾以備游幸造作所掌造作禁中及皇
屬婚娶之名拜龍圖天章寶文閣句當官四人以入內
內侍充掌藏祖宗文章圖籍及符瑞寶玩之物而安像
設以崇奉之軍頭引見司句當官五人以內侍省都知
押班及閤門宣贊舍人以上充掌供奉便殿禁衛諸軍
入見之事及馬步兩直軍員之名翰林院句當官一員
以內侍押班都知充總天文書藝圖畫醫官四局凡執
技以事上者皆在焉中興以來深懲內侍用事之弊嚴

前後省使臣與兵將官往來之禁著內侍官不許出謁
及接見賓客之令紹興三十年詔內侍省所掌職務不
多徒有冗費可廢併歸入內內侍省舊制內侍遇誕節
許進子年十二試以墨義卽中程者候三年引見供職
三十二年殿中侍御史張震言宦者員衆孝宗卽命內
侍省開具見在人數免會慶節進子仍定以三百人爲
額乾道閒以差赴德壽宮應奉闕人增至二百五十人
紹熙三年因宰臣奏中官只令承受宮禁中事不許預
聞他事嘉定初詔內侍省陳乞恩例親屬充寄班祇候
以十年爲限

文獻通考

卷之七

職官

三

07543

文獻通考卷之五十七終



